

麻城縣志敘畧

耆舊志第七

古云鄉先生歿而祀之於社此謂一鄉之善士後之人所當著祭而圭臬者也蓋方志本百國之寶書而人物重正史之列傳必錄其全文卽附以奏議文以人傳名由實附次則崇祀鄉賢事詳舊志不爲詳近而畧遠卽以援古而證今采錄必具源流義類無分軒輊至於爵秩未進夫崇階惠政實傳於聞見雖分類不得不爲之限斷而表揚之意必無所抑揚於其中蓋猶陳留風俗汝南先賢之遺也

麻城縣志

卷之十八 序

一

麻城僻處南服建始北朝前代紀述傳人甚尠案舊志所載惟三國毛玠携幼子遷麻爲最古府志據魏志籍陳留以駁其非然毛氏實爲麻城舊族明代科甲雲興至今子孫猶蕃衍皆云始遷自玠其冢墓猶存邑東豈陳志之有軼歟抑後來之僞託歟下至唐初則有宴滕王閣之閻伯璵並同里之孟學士宋則有流寓之陳季常隱逸之王翊張慙子俱見於東坡集中獨至有明一代人物傑出埒於文獻大邦蓋數千年鍾毓之奇於茲始一洩也恭攷欽定明史列傳著錄者多以十數如劉端簡劉莊襄之師



表百僚梅克生梅長公之鎮撫邊陲李檢齋李孟白之立
朝端直周二魯周元孚之台垣諫議皆卓卓可傳他若鄒
董若彭田以科第起家著姓者尤更僕難數又若東林黨
錄則有梅之煥劉鍾英彭遵古陳以聞復社名士則有梅
之煥劉侗鄒惺一時海內名流望塵趨影麻雖一隅直不
啻德星之聚矣 國朝景運維新士風克振如鄒石瞻梁
梧岡程松亭袁金溪諸先生或文章侍從或出入風議先
正典型於茲未墜後之學者述盛藻揚先芬得所矜式亦
云幸矣是故首冠名賢次分仕績一尊國史一重事功記

麻城縣志

卷之十八

序

二

人卽寓記事之法至於志文學則合儒林文苑而一之者
也志孝友義行則分孝義而二之者也志忠烈則前敘分
傳後列總紀又參以華陽國志序志體也志隱逸則本之
高士傳蓮社高賢傳其附以老壽者則參以湖北通志例
也志流寓亦用通志例而附以原籍者由列傳著祖籍之
意而變通者也志方伎本自范書而附以仙釋者則取歐
公新唐書錄元裝宏忍之義也要皆出於古今人表其品
流隨宜而定無濫吹無溢美庶幾百世而下猶有聞風興
起者歟

麻城縣志卷之十八

耆舊第一

名賢

李文祥字天瑞祖正芳山西布政使父潮陝西參政文祥自幼俊異弱冠舉於鄉成化末登進士萬安當國重其才以孫宏璧與同榜款於家文祥意弗慊也屬題畫鳩語含刺安深銜之未幾孝宗嗣位卽上封事畧曰祖宗設內閣六部贊萬幾理庶務職至重也頃者在位多匪人權移內侍賞罰任其喜怒禍福聽其轉移讐視言官公行賄賂阿

麻城縣志

卷之十八

耆舊名賢

一

之則交引驟遷忤之則巧讒遠竄朝野寒心道路側目望陛下密察渠魁明彰國憲擇謹厚者供使令更博選大臣諮諏治理推心委任不復嫌疑然後體統正而近習不得肆也祖宗定律輕重適宜頃法司專徇已私不恤國典豪強者雖重必寬貧弱者雖輕必罪惠及奸宄養成玩俗兼之風尙奢麗禮制蕩然豪民僭王者之居富室擬公侯之服奇技淫巧上下同流望陛下申明舊章俾法曹遵律令臣庶各守等威然後禮法明而人心不敢玩也然國無其人誰與共理致仕尙書王恕王竑孤忠自許齒力未衰南

京主事林俊思南通判王純剛方植躬才品兼茂望陛下
起列朝端資其議論必有裨益可翊明時且賢才難得自
古爲然習俗移人豪杰不免惟茲臣庶不盡庸愚能知自
愧卽屬名流樂其危災乃爲猥品願陛下明察羣倫罷其
罔上營私違天蠹物者餘則勉以自新旣開改過之路必
多遷善之人臣見登極詔書不許風聞言事古聖王懸鼓
設木自求誹謗言之縱非其情聽者亦足爲戒何害於國
遽欲罪之昔李林甫持此以禍唐王安石持此以禍宋遠
近驟聞莫不驚駭願陛下再頒明詔廣求直言庶不墮奸

麻城縣志

卷之十八

耆舊
名賢

二

謀足彰聖德大率君子之言決非小人之利諮問倘及必
肆中傷如有所疑請試面對疏奏宦官及執政萬安劉吉
尹直等咸惡之數日不下忽詔詣左順門以疏內有中興
再造語傳旨詰責文祥從容辨析而出謫授陝西咸甯丞
南京主事夏崇文論救不納工部主事莆田林沂復請召
文祥及湯鼐納崇文言且召陳獻章謝鐸等時安已去吉
直激帝怒嚴旨切責之廷臣多薦文祥率爲吉直所沮宏
治二年以王恕薦召爲兵部主事監司以下餽贖皆不納
到官未踰月復以吉人專下獄貶貴州興隆衛經歷都御

史鄧廷瓚征苗咨以兵事大奇之欲薦爲監司文祥曰昔以言事出今以軍功進固辭不可乃請齋表入都乞告歸疏再上不許還經商城渡冰陷死焉年僅三十

明史列傳

附原疏竊惟帝王爲政恃權與法權貴一不可使近習分分則政出多門而禍亂作法貴立不可使小人玩玩則心無所忌而僭奪興恭惟皇帝陛下英武夙聞仁孝懋著羣臣溢於耳目四海遍於口傳威望祖宗之業在此中興帝王之治由茲再造然舉裘必挈其領張網必提其綱今之綱領實權與法不先提挈無由舉張往事

麻城縣志

卷之十八

耆舊名賢

三

難追多言徒咎臣謹以切於今日者昧死言之祖宗立六部三法司設內閣大學士參贊萬幾分理庶務任專責重無掣肘之嫌事隳責歸鮮城狐之托治隆俗美職此之由頃者位多小人權由內侍賞罰任其喜怒禍福變於轉移讐視言官痛加摧挫公行賄賂濫設冗員阿順者則接引超遷違忤者則毒讒竄逐朝野寒心道路側目譬人身之疾病實腹心之癰疽伏望陛下密訪渠元明章國典少留謹厚謙畏者隨侍左右以供使令更宜妙選大臣親諏治理推心委任不復猜疑或相朋比

爲私許令科道面劾自今內侍仍有恃威脅制弄權
一託者許得奏聞區處間傳內批密旨亦許執奏封還俱
爲定規權一於此則體統正而近習不得分矣立大明
律罪犯輕重各有科條稽古定制服色器用罔敢僭踰
故善惡知勸懲之方貴賤明等威之辨國體益尊民志
素定頃者法司惟徇己私不遵成憲豪橫有庇者雖重
罪必寬容貧弱無告者雖小嫌必鈎距惠及奸宄之雄
養成傾頽之俗綱紀盡廢詐僞滋興豪室僭王侯之居
富民擬公卿之用崇玩好而費民財飾虛器以耗國脉

麻城縣志

卷之十八

者舊名賢

四

伏望申明律令使執法之官一遵成憲如有罪不當科
獄囚情異者必連坐以懲不恪稽古定制乞示頒行其
長惡穩姦之徒務令巡察等官嚴加督訪貴倖必懲豪
黠罔赦法立如此則禮度明而小人不致玩矣權一法
立政事可新使無其人誰與其理臣竊聞致仕尙書王
竑王恕孤忠自矢獨立敢言年力未衰尙堪効用南京
刑部主事林俊思南府推官王純皆抱忠貞兼優才識
論其全德容有小疵要在良工固當大用伏望起竑等
置之公輔俊等列諸諫垣且夕親其議論政事庶有補

裨此非微臣私言實乃士林公議且人才難得自古爲然習俗移人豪傑不免惟茲臣庶不盡愚庸但恐言出禍隨動先咎至故局促轅下之駒偃息籠中之雀豈不思奮顧此牢形亦知媿乎素尸每託辭於時勢蓋人雖下愚誰無義理之心性但中人不免身家之累能知媿負是亦名流樂其危菑斯爲下品伏望明照庶物公選羣寮其間素分不材甘心無恥營私罔上違天蠹物者小臣則遂罷黜大臣則禮遣歸少礪士風庶華國憲餘可自新者一切賜以明詔感其良心務使驅策以圖實

麻城縣志

卷之十八

者舊名賢

五

功不容退託而逃清議東方朔諛諧之臣以武帝爲君力陳規論裴矩隋之佞人逮唐貞觀間亦强支持黽勉忠良之列旣開自新之路必多遷善之人如此則權一而事不悖法立而永無愆國政日新天命世眷信可以中興信可以再造副羣臣之望符四海之思臣生斯世際斯事寧不爲萬古之一快也哉抑又有當急正而不可須臾緩者初臨大政之時眾皆竦仰賢哲量之以行藏其道姦邪窺之以作止其惡民庶覘之以休戚其情治亂安危在此一舉虛心聽納漢宣帝以致中興屈已

求賢宋仁宗由之再造今欲立致太平莫若先開言路
言路開則羣邪懼伏君德益修仰冀內宸必能察此伏
讀前詔乃獨見遺祇許科道內彈仍以挾私逆阻臣竊
聞之犯上干主其罪可知乖忤貴臣禍在不測人欲十
言其一猶懷反噬之憂誰敢無中生有輒快報復之計
此必權倖小人自慚不軌私相交語以爲初政之日義
士彈冠若不懼以危言討以定律則必暴我姦情縱使
免禍一時亦必貽譏萬世用是壅蔽聰明豫示不軌欲
箝眾口於未發不虞姦狀之彌彰且復以風聞妄言爲

麻城縣志

卷之十八

者舊名賢

六

禁夫朝廷京師之極京師四方之極政事之或是或非
臣寮之一善一惡譬諸日星麗天誰不知其昏明河海
振地誰不知其深淺使俱排以風聞謂不可信則謂孔
顏爲賢未必皆由已見指盜蹠爲惡是亦出於口傳人
心允愜士論不疑況古昔帝王懸鼓設木自求謗毀言
之縱非其情聽之亦足爲戒何害於國遽欲沮止李林
甫持此說以亂唐王安石持此說以毒宋遠近駭聞賢
愚驚愕伏願速頒溫詔廣求直言不墮姦謀使彼知人
心之不可盡欺公論之難以獨掩痛示懲於既往庶知

戒於將來且今言官跡其論列不無奮激之偏要其心志皆出忠誠之切更願少霽嚴威輒假優禮言切而理愜者必引導以盡其情識寡而辭拙者亦含容以嘉其意諫諍無隱者褒其直而勿責其非謀猷可採者獎其能而急行其策惟當斷以一心不必搖於眾口大率君子之言決非小人所利儻一問及必以前事中傷如無嫌疑乞賜片時引對臣草茅新進積無怨讐但能隨眾以浮沉終可厯階而貴顯願臣之於君子之於父吉凶休咎義實相關隱默欺謾心則安忍故不避斧鉞力盡

麻城縣志

卷之十八

者舊名賢

七

愚衷片言有益夕死且甘草木同區幸生何補臣不勝懇切待命之至

附舊志文祥一號檢齋少負氣節初以切諫謫官復爲兵部主事值所知中書舍人吉人以言事下獄同被逮先是大學士萬安重祥才名欲引附已屬題畫鳩祥題曰鳩一聲來鵲一聲鳩呼風雨鵲呼晴春來風雨尋常事莫把天恩作己恩安深銜之故屢起屢蹟云

劉天和字養和麻城人正德三年進士授南京禮部主事劉瑾黜御史十八人改他曹二十四人補之天和與焉出按陝西鎮守中官廖堂奉詔辦食御物於蘭州天和謂非所司辭不往堂奏天和拒命詔逮之部民哭送者萬人錮

詔獄久不釋吏部尙書楊一清疏救法司奏當贖杖還職
中旨謫金壇丞刑部主事孫繼芳抗章救不報屢遷湖州
知府多惠政嘉靖初擢山西提學副使累遷南京太常少
卿以右僉都御史督甘肅屯政請以肅州丁壯及山陝流
民於近邊耕牧且推行於諸邊尋奏當興革者十事田利
大興改撫陝西請撤鎮守中官及罷爲民患者三十餘事
帝皆從之洮岷番四十二族蠢動天和誅不順命者又討
平湖店大盜及漢中妖賊就進右副都御史母憂服闋以
故官總理河道黃河南徙歷濟徐皆旁溢天和疏汴河自

麻城縣志

卷之十八

耆舊
名賢

八

朱仙鎮至沛飛雲橋殺其上流疏山東七十二泉自鳧尼
諸山達南旺河濬其下流役夫二萬不三月訖工加工部
右侍郎故事河南八府歲役民治河不赴役者人出銀三
兩天和因歲饑請盡蠲旁河受役者課遠河未役者半之
詔可十五年改兵部左侍郎總制三邊軍務兵車皆雙輪
用二十人遇險卽困又行遲不適用於用天和請倣前總督
秦紘隻輪車上置砲槍斧戟廂前樹狻猊牌左右虎盾連
二車可蔽三四十人一人輓之推且翼者各二人戰則護
騎士其中敵遠則施火器稍近發弓弩又近乃出短兵敵

走則騎兵追復製隨車小帳令士不露宿又毒弩矢修邊
牆濠塹皆從之吉囊十萬眾屯賀蘭山後遣別部寇涼州
副將王輔逐奪其纛寇莊浪總兵官姜夷屢敗之進天和
右都御史寇復大集兵將入犯天和策寇矚西有備必東
密檄延綏副將白爵宵行與參將吳瑛合寇果東入黑河
墩遇爵伏兵大創而去既又入蒺藜川爵尾擊之寇多死
尋入寇家澗張家塔爲爵瑛所敗犯甯夏者總兵官王效
復破之帝大喜進天和左都御史吉囊犯河西天和禦卻
之進兵部尙書寇將入平虜城天和伏兵花馬池寇戰不

麻城縣志

卷之十八

耆舊
名賢

九

勝走河上遇伏兵多死於水吉囊乘虛寇固原剽掠且饜
會遙潦弓矢盡膠無鬪志而諸將多畏縮天和斬指揮二
人召故總兵周尙文令立功會陝西總兵官魏時角寇至
黑水苑尙文盡銳夾擊殺吉囊子小十王寇退甯夏巡撫
楊守禮總兵官任傑等復邀擊敗之鐵柱泉斬獲共四百
四十餘級論功加天和太子太保廕一子錦衣千戶前後
賫銀幣十數遷南京戶部尙書召爲兵部尙書督團營言
官論天和衰老遂乞休歸家居三年卒贈少保諡莊襄天
和初舉進士劉瑾欲與叙宗姓謝不往晚年內召陶仲文

以刺迎稱戚屬天和返其刺曰悞矣吾中外姻連無是人
仲文恚其罷官有力焉

明史列傳

喻希禮字節之嘉靖癸未進士以重慶推官擢御史會議
大禮大獄杖謫者多斃荒徼希禮因禁中祈嗣上疏極諫
世宗震怒尙書夏言力掄之謫戍六安十餘年赦歸卒隆
慶朝追贈光祿少卿賜祭

明史薛侃合傳

附原疏仰維皇上祈嗣禮成蓋上天篤生聖人爲中興
太平之主必生聖嗣以開億萬載無疆之休其保佑眷
顧之隆必有無待於求者惟陛下推曠典殊恩以迓帝

麻城縣志

卷之十八

耆舊名賢

十

祉則昔人所謂心和則氣和氣和則形和形和則聲和
聲和則天地之和應矣陛下敬天勤民十年於茲往者
大詔天下一應罪犯悉從赦免今歲大辟又免行刑天
下臣民咸沾聖澤惟近年得罪諸臣遠戍邊徼者未蒙
宥放豈其罪大惡極不可輕縱者乎臣竊謂今日招和
致祥履休迓祉不在設壇建醮之虛文而在悔過宥罪
之實意臣聞天之大德曰生陽居大夏以生育長養爲
事陰居大冬積於虛空不用之處陛下好生之德與天
爲一而獨遺遠戍諸臣穹廬絕塞無生還之日豈盛朝

之美事乎今之論者謂大禮諸臣同聲附和誠可罪矣
大獄諸臣謬持偏見誠可罪矣然自臣言之議禮者自
謂效忠議獄者自謂執法以效忠執法之臣一不當陛
下之意而卽終其身流離於萬里沙漠之外臣恐懷忠
義之心者未必不聞風而懼矣原其心而宥其過矜其
愚而憫其不及是亦聖人無棄人之意也且聞遠戍諸
臣有父母存而不得養者矣有沒而不獲送者矣諸臣
之罪縱可深惡而所託以養以終者亦可念也歷年已
久懲創已深臣之得罪於君猶子之得罪於父也子之

麻城縣志

卷之十八

者舊名賢

十一

得罪於父悲哀號泣必求父釋之而後已諸臣望陛下
以釋之者亦非一日也近聞諸臣有沒於邊徼者旅寓
無依其情甚苦數年之後彫零殆盡雖欲仰沾聖化而
不可得矣古聖王設鐸懸賞以求直言敢諫之士而陛
下乃使建言諸臣彫零殆盡於邊徼豈所以風天下乎
伏望體天地好生之心推父母愛子之念將遠戍諸臣
量其情之輕重或移近地或縱赦免非惟諸臣感生死
骨肉之恩而中外臣民歸頌聖德前星垂耀無待祈禱
而聖子神孫綿綿無窮矣

周宏祖嘉靖三十八年進士除吉安推官徵授御史出督屯田馬政隆慶改元司禮中貴及藩邸近侍廕錦衣指揮以下至二十餘人宏祖馳疏請止資金幣或停世襲且言高皇帝定制宦侍止給奔走掃除不關政事孝宗召對人臣宦侍必退去百餘武非惟不使之預亦且不使之聞願陛下勿與謀議假以嘖笑則彼無亂政之階而聖德媿太祖孝宗矣臣又聞先帝初載欲廕太監張欽義子錦衣兵部尙書彭澤執奏再四今趙炳然居澤位不能效澤忠無所逃罪報聞已請汰內府監局錦衣衛光祿寺文思院冗

麻城縣志

卷之十八

耆舊名賢

十三

員復嘉靖初年之舊又請倣行古社倉制詔皆從之明年春言近四方地震土裂成渠旂竿數火天鼓再鳴隕星旋風火雨黑豆此皆陰盛之徵也陛下嗣位二年未嘗接見大臣咨訪治道邊患孔棘備禦無方事涉內庭輒見撓沮如閱馬核庫詔出復停皇莊則親收子粒大和則推取香錢織造之使累遣糾劾之疏留中內臣爵賞太厚謝辭溫旨遠出六卿上尤祖宗朝所絕無者疏入不報其冬詔市珍寶魏時亮等爭不聽宏祖復切諫尋遷福建提學副使大學士高拱掌吏部考察言官惡宏祖及岑用賓等謫宏

祖安順判官而宏祖謫未幾拱罷量移廣平推官萬厯中

屢遷南京光祿卿坐朱衣謁陵免

明史列傳

附周氏家乘宏祖傳畧宏祖字元孝號少魯中憲大夫廷徵之孫中議大夫鉞之長子也生而穎敏少時爲文千言立就嘗寓染工家閱案上記簿戲焚之染人瞿然曰是予貨出入所稽今奈何公笑曰易爾索楮筆覆書之不差累忝嘉靖乙卯舉於鄉己未會試登丁士美榜進士授吉安府司李時嚴分宜柄政附翼而起者聲勢赫奕橫恣閭里官其地者不敢問公至一裁以法而民之田廬子女被奪於勢家者無不立復爲廣東道監察御史時徐華亭繼分宜爲相援引善類公正色立朝彈劾不避權倖徐公曰御史爲朝廷綱紀之地百官喉舌之司能不愧其職者惟林子潤周子元孝而已甲子奉命視兩淮鹽務時鹽法壞於鄆懋卿商民俱困公至廉得其情具疏上請會以事竣當去繼之者爲徐公曠公年友也乃遺徐公書曰兩淮舊額六十萬率多可裁爲

麻城縣志

卷之十八

名賢

十三

貪夫驟加百萬遂至商民兩困夫病商斯病民病民斯病國矣僕還台時當首言此惟仗兄之繼其後也及入亟言於華亭公而徐疏亦至遂得減復原額丙寅復奉命視陝西茶馬時茶馬之政亦幣於中官戚畹而公力爲清剔利歸縣官公生平所爲詩文極爲臨川湯若士所稱集稿與二魯公合刻崇禎乙亥居毀於兵火板無存者

耿定向字在倫三歲時有公卿到門者問其祖曰更有上者否曰獨有聖賢耳曰兒當爲聖賢矣由是潛心理學登嘉靖丙辰進士授行人擢御史嚴嵩父子竊政吏部尙書吳鵬附之定向疏鵬六罪因言鵬壻學士董份總裁會試私鵬子紹宜併斥嵩爲營護事竟寢出按甘肅舉劾無所

私去任行筭一肩有以石經餽者留境上而去還督南東
學政隆慶初擢大理右寺丞高拱執政定向嘗譏其褊淺
無大臣度拱嫌之及拱掌吏部以考察謫定向橫州判官
拱罷量移衡州推官萬厯中累官右副都御史吏部侍郎
陸光祖爲御史趙之翰所劾光祖已留定向復頌光祖賢
詆之翰給事中李以謙言定向擠言官定向求去帝不問
厯刑部左右侍郎擢南京右都御史御史王藩臣劾應天
巡撫周繼疏發踰月不以白定向定向怒守故事力爭自
劾求罷且詆藩臣論劾失當因言故江西巡撫陳有年四

麻城縣志

卷之十八

耆舊
名賢

十四

川巡撫徐元泰皆賢爲御史方萬山王麟趾劾罷今宜召
用而量罰藩臣藩臣坐停俸二月於是給事中許宏綱觀
政進士薛敷教南京御史黃仁榮及麟趾連章劾定向麟
趾言南臺去京師遠章疏先傳人得爲計如御史孫鳴治
論魏國公徐邦瑞陳揚善論主事劉以煥皆因奏辭豫聞
一則黃綠倖免一則摺摭被誣故邇來投揭有遲浹月者
事理宜然非自藩臣始語竝侵大學士許國左都御史吳
時來副都御史詹仰庇執政方惡言者勒敷教還籍省過
麟趾仁榮亦停俸時已除定向戶部尙書督倉場定向因

力辭求退章屢上乃許卒年七十三贈太子少保諡恭簡
弟定理定力定理終諸生與定向俱講學專主禪機定力
隆慶中進士除工部主事萬厯中累官右僉都御史督操
江疏陳礦使之患再遷南京兵部右侍郎卒贈尙書

明史
列傳

參府
志傳

梅國楨字克生少雄傑自喜善騎射舉萬厯十一年進士
除固安知縣中官詣國楨請收責於民國楨偽令民鬻妻
以償民夫婦哀慟中官爲毀券擢御史會哮拜及子承恩
反督師魏學曾無功李成梁方被論廷議欲遣爲大將未

麻城縣志

卷之十八

耆舊
名賢

十五

敢決國楨獨疏保之乃遣成梁子如松爲提督將遼東宣
大山西諸鎮兵以往而國楨監其軍遂與如松至甯夏學
曾欲招劉東暘許朝殺拜父子贖罪遣卒葉得新往四人
方約同死折得新脛置之獄巡撫朱正色以賊詭請降而
張傑嘗總甯夏兵故與拜善遣傑入城招之朝乃昇得新
見傑得新大罵賊被殺傑亦繫不遣而學會以賊求撫爲
之請帝切責及是城中百戶姚欽武生張遐齡射書城外
約內應夜半舉火外兵不至賊殺其黨五十人欽縋城出
來奔當是時賊外以求撫緩兵而陰結寇爲助然糧盡勢

困學會國楨與巡撫葉夢熊定計決黃河大壩水灌之水
抵城下時套寇卜失兔莊禿賴以三萬騎犯定邊小鹽池
用土昧鐵雷爲前鋒而別遣宰僧以萬騎從花馬池西沙
湃口入爲拜聲援麻貴擊之右溝寇稍挫分趨下馬關及
鳴沙洲學會令遊擊龔子敬扼沙湃口而檄延綏總兵官
董一元搗土昧鐵雷巢斬首百三十餘級寇大驚引去遇
子敬圍之十重子敬死寇亦去賊援遂絕學會益決大壩
水八月河決隄壞復繕治之城外水深八九尺東西城崩
百餘丈著力兔宰僧復入李剛堡如松貴等擊敗之追奔

麻城縣志

卷之十八

耆舊名賢

六

至賀蘭山賊益懼求款未決學會得罪罷朝命以夢熊
代夢熊遂成功初學會之遣人招東陽朝也留固原以俟
之帝責其玩寇副總兵李昫渡河又稍遲松山河套寇先
入官軍用是再失利學會嘗上疏令監軍無與兵事帝爲
飭國楨如其言國楨頗憾之及至軍劾諸將觀望而頗以
玩寇爲學會罪給事中許子偉亦劾學會惑於招撫誤國
事國楨又言僉事隨府從城上躍下賊令四人下取我軍
咫尺不敢前又北寇數萬斷我糧道殺戮無算匿不以奏
帝遂大怒逮學會至京然學會逮未踰月城壞而大軍入

賊竟以破滅夢熊既代學會亦賜尙方劍時調度靈州獨
國楨監軍甯夏賊被圍久食盡無援而城受水浸益大崩
國楨挾諸將趨南關牛秉忠先登國楨大呼諸將畢登賊退
據大城攻數日不下國楨使間給東暘朝承恩互相殺以
降賁其罪三人內猜疑東暘朝遂先誘殺承恩黨土文承秀
恩亦與其黨周國柱誘東暘朝殺之盡懸東暘朝文秀首
城上開門降如松率兵圍拜家拜倉皇縊闔室自焚死夢
熊自靈州馳至下令盡誅拜黨及降人二千慰問宗室士
庶甯夏平夢熊正色國楨各上捷奏而俘承恩獻京師帝
麻城縣志

卷之十八

耆舊名賢

十七

御門受賀詔磔承恩於市夢熊正色國楨各膺世官如松
功第一如薰貴秉忠等加恩有差學會初奪職爲民叙功
以原官致仕學會任事勞勩灌城招降之策本其所建及
宣捷帝召見大學士趙志臯張位志臯位力爲學會解尙
書野以下多白學會無罪國楨亦上疏言學會應變稍緩
臣請責諸將以振士氣而逮學會之命發自臣疏竊自悔
恨學會不早雪臣將受萬世譏如松亦言學會被逮時三
軍雨泣夢熊亦推功學會帝初不聽既而復其官居家數
年卒夢熊以功進右都御史國楨既招降承恩以夢熊貪

功殺降劾其罪夢熊奏辨言拜所畜家人皆死士緩一二日東暘朝黨復集必再亂臣寧負殺降名以絕禍本帝爲下詔和解之論功擢國楨太僕少卿踰年遷右僉都御史巡撫大同久之遷兵部右侍郎總督宣大山西軍務在鎮三年節省市賞銀十五萬兩有奇父喪歸未起而卒贈右都御史節錄明史魏學會葉夢熊合傳

附征疇疏爲叛丁悖亂異常時事萬分可慮懇乞宸斷決機宜任宿將清弊政以消禍萌以安人心事近見邸報甯夏家丁劉東暘等賊上擅權據城掠堡此非常大

麻城縣志

卷之十八

者舊名賢

六

變視唐藩鎮之禍猶有甚焉最可恨者逼使總兵張維忠疏列巡撫黨馨罪狀其二十餘條之內多係欵寇以求題准遵行此其意蓋隱然暴揚時弊以煽惑各邊其謀更不軌矣當此寇曾叛盟之後邊計未定之時豈可視爲細故而不早爲平定乎今之議者不過曰變起倉卒眾由脅迫緩之可散其乍合之黨急之恐堅其致死之心不知各惡權勢已成蓄謀非淺其心必不肯悔禍其黨又無敢先發遷延一日則禍深一日狂謀愈成黨與愈固聲勢愈大風聞愈遠脅從愈多人心愈疑既難

以俟其自定又不可嚇以虛聲外有勾連內有觀望近者蠶食遠者震驚將來之患有不可勝言者矣臣見御史賈希夷上請特遣一臣不蒙採納止令督臣魏學會相機撫剿雖專任責成事理宜然但學會素敢任事臣所推服聞變已久徐徐就道豈其乏應變之材昧專制之義或亦有首尾牽制輕動爲難有不可以明言者況邊事煩夥萃於一身方經營戰欵之宜難專任討賊之事爲今之計非力剿無以定禍亂非分別無以宥無辜非詔赦無以安脅從非特遣無以重事權非破格無以

麻城縣志

卷之十八

耆舊名賢

七

用豪傑非便宜無以中事機非重賞無以作士氣科臣王德完請羅豪傑真爲濟時之急昨見甯夏各堡多爲所制而平寇參將蕭如薰獨能相持則任將之明驗也以臣私計求舊易於得人使功不如使過除各邊見任及已經調遣不宜更議外若退閑可任則無如原任遼東總兵李成梁者屢經戰陣紀律嚴明其子李如松李如柏李如楨皆負大將之才李如樟李如梅又爲少年之傑其家丁自各有官守之外尙多同心敢戰之人世受重恩必不自頹於末路屢經論列更思昭雪其前功

年力未衰威名久著各邊將領誰不畏服上下相信父子同心不惟勇畧足以成功亦且先聲可以奪氣若慮其權多分屬地非素歷宜於文臣中暢曉軍情實心任事者公舉一人監其軍事謀勇相資調遣隨便他如閑任及戴罪將領史宸張應和麻貴馬孔英倪敏政等或素經戰陣或膽勇過人皆可隨軍使之自効若遼東未代曠日持久或令伊子原任總兵李如松先往料理勒限起行卽未必刻期擒勦斷足以制其死命天威旣臨不敢四出魚遊釜中勢必自亂附近營路恃以無恐他

麻城縣志

卷之十八

者舊名賢

三

方觀望憚而自戢待首惡正法之後大加賑恤使朝廷威惠並行紀綱大正此機宜之當決宿將之當任也若失此不圖臣未見其得策矣然臣又聞之罅隙將成者當急爲補塞琴瑟不調者必改而更張今甯夏之變正罅隙將成之會而致變之由則琴瑟不調之驗也我朝邊事自洪武以至嘉靖一時也自隆慶以至萬曆十八年一時也自十八年以至今日又一時也蓋洪武以至嘉靖寇無歲不犯我無歲不備各軍雖有戰守之勞無尅削之苦嘉靖以至隆慶和議旣成不修戰守各軍雖

有尅削之苦而無操練之勞今時則異是矣外實修和而內欲兼戰修和則不免仍尅削以爲媚寇之資兼戰則徒有操練而無首功之望臣前疏有云不加矜恤而尅削之聞使之治生不給發身無階已逆知其有今日之弊矣卽總兵張維忠疏內所列據臣所知有載在會計錄者有新經題准者有係甯夏舊例有在各邊通行諸如此類皆以節省爲重以矜恤爲輕暫行於無事之時尙難以得其心相沿於用武之日其何以免其怨巡撫黨馨不能變通而更爲嚴峻以致叛軍借以爲名鼓

麻城縣志

卷之十八

者舊名賢

三

眾倡亂紀綱大壞人心動搖宜勅兵科會同彼處巡按御史逐款清查或係原舊有行或係黨馨作偏當因者明著爲例當革者卽爲調停此弊政之當清者也然其本則科臣王德完所陳有治人無治法一言蔽之矣如京營軍士素稱虛設有急則慮其孱弱而別爲調遣閑暇則畏其訛言而不敢深求臣前疏中思有以鼓舞之而言不見用近見侍郎王基條陳四事悉切實用臣扣其議論採之人情慷慨敢爲人樂爲用若卽以本官授之協理聽其主張而又明賞罰均勞逸察疾苦教技擊

則數月而人心悅期年而神氣壯內之以護衛神京外
之以風示遠近仍通行各邊督撫凡利所當興弊所當
革悉心條議毋畏浮言毋沿舊習惠行而威令可施政
平而驕悍自伏其有處置失宜苟且塞責訪實參奏別
選賢能此皆救時之急務轉移之微權伏乞採覽卽賜
允行不惟一方之悖亂可平而各邊之人心悉定督撫
不至掣肘而外方亦將落膽矣其餘有關大計先爲諸
臣已言者臣不復瀆也無任懇切之至

附明貴池吳應箕征倭奏議跋神宗皇帝御極久垂二
十年海內不知兵革初作難益自倭氏倭之起也本以

麻城縣志

卷之十八

名賢

三

非我族類而又負饒資假地勢恃寇援以猖狂於承平
之隙全關其岌岌矣乃不數月誅夷無噍類固廟算得
哉則一時文武將士用命之效也倭之起也其謀實狡
以劉許爲兵端事成而我居不成則更執之以邀功使
墜其計中於國體何予嘗跡其事而深考之自國楨推
轂李帥然後有張家堡之戰戰勝而後可以絕勾寇之
患決策水攻然後賊勢窮而人心攜人心攜而倭事去
矣於是論者謂賊張之日宜右戰而紬撫事已大定則
多殺不爲武異同之間誠有難易之辨耳然予因是而
蓋有感焉當時督監諸人皆極一時之選不待推舉而
身請臨戎共矢滅賊其總兵者夙號材武事復不從中
制猶以功不卽就至數勤詔旨切責况乎借疆場之事
以修門戶之卻樞邊異趣經巡二心又用舍可否舉國
聚訟而不決以致一敗塗地舉精卒夙將盡殲焉蓋自
萬厯末季以及昌啟之間其成敗得失之故亦畧可見
矣會去昔幾何時而軍效陵遲以至於此言之可爲傷
心威殫財訕探丸而起者半天下事將有什百於倭者
不知又何以應之或曰倭之蹶也功繇學會而葉實攘

之魏之罰亦稍重焉無以服任事心有謂魏不逮葉不
成其然豈其然乎觀梅監軍明功罪諸疏益公道彰矣
康熙舊志公為人奇偉變化曉暢物情暗合兵法温陵
李卓吾好談王霸大畧聞西事起吃曰天下之兵始矣
既而曰克生往矣必能辦賊卒如所言

楚寶名臣梅國楨傳國楨字客生楚之麻城人也少俊
朗有大韻能詩文善騎射既舉於鄉遂挈眷客長安久
滯公車無意仕進鏹采埋光無復圭角嘗曰人生自適
耳依憑軌跡外張名教酷非所屑常與海內之文人詞
客花月晨夕分題賦詠為騷壇主盟遊金吾戚里閒歌
鐘酒兕非公不歡筆札唇舌為世所榮孟公驚坐樓緩
分鯖下至三河年少五陵公子走馬章臺校射平原酒
後耳熱相與為裙簪之游調笑青樓酣歌酒肆布衣楚
製出入市廛摩抄鐘鼎賞評書畫大鼻長髯有若劍客
道人之狀識者固知公愛憐光景耗磨壯心與俗沈浮
不用繩檢而外夷內朗宏量沈機真謝安石張齊賢之
流也癸未登第鳴琴畿輔笑譚視事不令而戢邑多中
貴數擾條教公誦其言崇其禮皆畏悅以去入觀騎駿

麻城縣志

卷之十八

名賢

三

馬帶長弓控羽箭借侍史蒼頭十餘人作健兒裝沿途
逐狡兔射野雀他邑令值之大駭以為探丸人熟視則
公也以政最入為御史壬辰春甯夏逆賊劉東賜許朝
吟拜吟承恩土文秀等忿巡撫黨馨裁制叛卒特起殺
之遂據城掠堡反督臣魏學會以變聞朝廷肝食公上
封事大畧言賊不足畏獨虞秋高馬肥勾寇入犯禍且
不細為今計者惟擇驍將扼寇使不得入而後賊可攻
臣見大將李如松父成梁弟如栢等俱足知勇無忝崇
文李翹且世受國恩可使也上許之諸言者畏李氏跋
扈不宜扼虎進狼議論鼎沸公又上封事曰臣見甯夏
猖獗必得名將以專其任時雖豪傑如雲各有鎮守惟
退閑宿將李成梁父子素有威望紀律嚴明諸子家丁
武勇可任雖甯夏吟承恩父子號為勇健而不知李氏
父子之遠出其上也諸臣乃慮其勢重生患有扼虎進
狼之憂臣於此亦念之熟矣李氏父子即為狼子野心
自取覆滅但當防之於遼東握兵之時而不當防之於
廢棄離任之後况昔則危疑不安而今明主洞察矣不
以疑之之日肆其不肖之心而於信之之日反為赤族

之計其愚悖速禍又出劉東暘悖拜下矣謂成梁爲之乎臣非不知諸臣之心爲濟臣之所不及非相悖也但用人之道疑則勿用用則勿疑上而疑下必不肯盡與之權下畏上之疑必不敢盡行其志將領因疑而不受節制士卒因疑而不聽號令忌者因疑而肆其讒敵人因疑而得行其間欲專制也人曰非有異志何以不待奏報欲無借也人曰非有異志何以要結人心欲行法也人曰非有異志何以非有異志何以不聽約束或與督撫期而先發人曰非有異志何以不聽約束或與督撫期而先發人曰非有異志何以不則曰何故多屠戮以旨賞脇之而使其自殺則曰攘以爲功困之而致其遁逃則曰縱以生患無功則曰攘以玩以養亂有功又以爲妄報而欺罔首尾牽制手足東縛古如王翦樂羊或請田宅而後行或借機杼以自況以孫權周瑜義同骨肉必拔劍破案而後成功况未有深信之素而又示以猜疑之端乎臣固云今之將士殺身不足以成名剖心無由以自白邊事之壞所從來久

麻城縣志

卷之十八

名賢

十四

矣伏望陛下斷之宸衷博采輿論成梁父子稍有可疑速罷其權別爲調遣如萬萬可以相信方可虛心任之臣自外吏入廁臺班雖懷狗馬之心未効涓埃之報若疑徒市私恩不願國計願與成梁馳赴甯夏同討賊必加以別銜假之以重任但憑陛下威靈生平忠義賊知歸命則臣爲陛下之將披堅執銳爲士卒先平定之日一服則臣爲陛下之魏學會聽其安輯以靖地方臣與成梁即日還朝止求自明不敢言功倘中途事定聞報即返若其不捷軍法在焉何止薦舉非人之罪又何至以臣之罪貽他人哉兵機所在關係重大臣初聞變即知此賊非魏學會等所能定今日此舉動又知非此時紛紛者之所能辦也臣之所望在陛下舉動一人耳惟陛下自以信決其用舍若曰姑以試之而使成梁不敢自專則功不可成患不可測臣不若先受狂躁之誅以免誤國之罪也疏入人皆服其才壯其氣上乃命如松往而公監其軍公乃與如松馳甯夏城下時賊嬰城自守外示卑順以緩我師廣結寇眾以爲聲援意待秋高寇集肆其

不逞公以一受降白旗豎之城南寇聞公至乃索見公自陳歸順公許之東賜朝等梯城而下劍戟鱗次刀鉞耀日城上皆控弦挽弓以俟公單騎而進與東賜執手折論神意安閑詞語慷慨許朝露刃擬公公笑而受之賊不自知其膝之下也然賊意終奸狡甚欲求鐵券世守西夏公悉力攻城因風縱火燬其南樓曲招降人以安反側引水灌城會守將失防隄功遂不終然賊益懼所恃者寇耳延至初秋達寇數萬果自沙湃大入斷我糧道賊遣通官二人為寇鄉導餽寇金帛充溢及部落奸人皆有贈遺又括城中女子千人啗寇令寇來取寇以故樂為之用所至守將不能禦至韋州慶陽殺人民奪牛馬無數寇渡河從李剛堡入離城僅三十餘里公曰事急矣若待督撫傳示緩不及事麾下將李如樟挺身願往擊寇公壯而遣之李如松等諸將奮勇擊寇斬獲過當我軍歡聲動地寇敗去賊大失望當是時賊失外援自知必死然詭言朝廷有招安詔為諸將所匿諸將欲盡殺城中人以怖居民故皆為堅守公度賊勢城中尚可支一年若至嚴冬此地酷寒我軍不得屯又

麻城縣志

卷之十八 名賢

三

恐勾寇復入至生他變大可慮也季秋八日之夜忽有三人來營中云諸賊以重陽悉入大城寘酒南城空虛可入也蓋窺夏城有二重分南城大城云諸將不之信以聞公公曰時不可失也覘之果無城守急令李如樟等上南城公繼至時餘將多次且總兵牛秉忠年七十賈勇先登公從城上語曰老將軍登城矣諸將何怯也遂相次上城公念眾未易約一妄殺則大城死守不可復得乃大呼云生禽者論功不以級凡我軍生禽一人即予紀錄而仍縱其所全活者數千人城中大喜然炬照視設香案遂得南城賊勢益孤我軍從北關攻大城益急賊以南城居民子女親戚之在大城者盡縛之寘長竿上南城居民痛哭訴之公諸將皆愕然無可為策公合指揮董正誼呼謂賊云監軍已往取許朝之女劉東賜之母矣若不釋放亦如之賊聞傳呼良已人心始安仍示以未殺降人賊黨驚喜公廉知許朝劉東賜等意欲獻城而憚李氏父子強其中可閒也乃覓居民與李相識者得一人曰李登合其行閒持諭字往李所曰若併劉許罪可贖也李見之果戟手哭曰吾父子生

矣召其黨畢邪氣等計議須得符印公據乃如約登至
公密與免死劄付入城時賊土文秀自作逆後屢有歸
順獻城之心劉東賜知之乃偽病託文秀後事文秀入
問疾遂殺之哮承恩至南門殺許朝父子畢邪氣至北
樓見劉東賜未及語頭已墮地哮氏父子至南門以殺
賊告公遂開城門嚴申軍令不得妄殺一人城中皆解
甲焚香以迎王師公念事之殷也脇從頗多渠魁既誅
餘可寬貸各賊家丁宜分屬諸將標下撫以恩惠皆為
有力健兒哮氏父子即不可赦寘固圍以俟天誅庶人
心不復驚擾而各賊資財足供賞軍之用刀刃不血保
全一國生靈實奇功也而督臣忽有傳示云本日本不
殺哮氏父子及諸從賊者以賜劍從事遂盡殺哮氏及
家丁等輩卒爭功恣意劫奪賊賄悉被抄掠居民蕭然
一空公殊憾之以賊平聞公不自居功賞獨後僅晉官
廕一子金吾百戶不世然天子心知公能明年遂陞大
中丞開府雲中時會長款塞公以靜鎮之公嘗曰婦姑
亦有磔勃何況華夷當事者遇有爭無偏輕重可潛消
邊釁每遇華人盜夷物者寘之法無貸公一日大出獵

麻城縣志

卷之十八

名賢

三

盛張旗幟令諸將盡甲而校射大漠縣令關揚怪異之
曰今秋成出獵多損稼公乃多事矣後數日得會謀云
督宣府時扯會遣人送良鐵數十片云虜中某山忽產
此鐵公不報但命工鑄為劍淬磨甚精及會來市公禁
諸邊勿與鐵鑊會眾大譁公出劍示會使曰前者會長
所遺鐵中國始未有爾國幸有佳者何用此方下產也
會眾聞之歸怨扯會詞屈乃遣人來白云某知罪
矣前鐵實中國市來虜中安得有此聊為誇耳公曰我
以至誠待爾此後勿復作此狡獪仍命以鐵鑊與之公
雖合會不敢欺而每遇會饑輒以賑濟與華人不異故
會皆感泣會長稱之為父其忠信行於蠻貊如此後以
憂歸田既除服不及起用而卒公性坦夷外寬內嚴終
身不見有喜愠之色毀譽當前不復致辨倥偬之中愈
見暇整綜理綿密筆硯皆有方畧口無臧否忽出一言
其人立見飲啖兼人後房姬侍繁多亦無華飾頗有夏
侯妓衣之誚公夷然不屑文辭甚典腴詩有奇氣不多
作尺牘工巧甚喜射至老不倦每會燕多以寒具為酌

與賓僚共射之晚通禪理女澹然以孀爲尼公不之禁澹然戒律甚嚴於道有入父子書牘往來頗有問難方公之開府雲中也公安袁小修客長安以學道未契汲汲求友爲念公寄書云貫城之旁有日中之市焉雖無奇瑰異物而抱所欲者各恣取以去求友亦若是耳公欲於此處求友顯靈宮古柏婆娑委地作虬龍形東便門外奈子花如錦幄可容二十餘人晉陽庵中有唐鑄觀音相沙窩水葛道士毬順城門守門老中官射亦不佞數十年內所得友也公儻欲之便以相贈其持論蓋如此

彭遵古字旦陽萬厯進士與兄好古鄉會同榜當釋褐初會南畿督學御史房寰連疏詆都御史海瑞遵古偕同年生顧允成諸壽賢抗疏劾之畧言寰妬賢醜正不復知人閒羞恥事臣等自幼讀書卽知慕瑞以爲當代偉人寰大

麻城縣志

卷之十八

耆舊名賢

三

事貪污聞瑞之風宜愧且死反敢造言逞誣臣等所爲痛心因劾其欺罔七罪始寰疏出朝野多切齒而政府庇之但擬旨譙讓及得遵古等疏謂寰已切讓不當出位妄奏奪三人冠帶還家省愆令九卿約束辦事進士毋妄言時政遵古後起用終光祿少卿

明史附顧允成傳

周宏禴字元孚倜儻負奇好射獵舉萬厯二年進士授戶部主事降無爲州同知遷順天通判十三年春上疏指斥朝貴言兵部尙書張學顏被論屢矣陛下以學顏故逐一給事中三御史此人心所共憤也學顏結張鯨爲兄弟言

官指論學顏而不敢及鯨畏其勢耳若李植之論馮保似乎忠讜矣實張宏門客樂新聲爲謀主其巡按順天納娼爲小妻猖狂干紀則恃宏爲內援也鯨宏旣竊陛下權而植又竊司禮勢此公論所不容祖訓大小官許至御前言事今吏科都給事中齊世臣乃請禁部曹建言曩居正竊權臺省羣頌功德而首發其奸者顧在艾穆沈思孝部曹言事果何負於國哉居正惡員外郎管志道之建白也御史龔懋賢因誣以老疾惡主事趙世卿之條奏也尙書王國光遂錮以王官論者切齒爲其附權奸而棄直言長壅

麻城縣志

卷之十八

耆舊名賢

三

蔽之禍也今學顏植交附鯨宏鯨敢竊柄世臣豈不聞已不敢言奈何反欲人不言乎前此長吏垣者周邦傑秦燿當居正時燿則甘心獵犬邦傑則比迹寒蟬今燿官太常邦傑官太僕矣諫職無補坐陟京卿尙謂臺省足恃乎而乃禁諸臣言事也夫逐一人之言者其罪小禁諸臣之言者其罪大往者巖嵩及居正猶不敢明立此禁何世臣無忌憚一至此哉乞放學顏植歸里出燿邦傑於外屏張鯨使閒居而奪世臣諫職嚴敕司禮張誠等止掌內府禮儀毋干政事天下幸甚帝怒謫代州判官再遷南京兵部主

事十七年帝始倦勤章奏多留中不下宏禴疏諫且請早
建皇儲不報尋名爲尙寶丞明年冬命監察御史閱視甯
夏邊務巡撫僉都御史梁問孟巡茶御史鍾化民取官帑
銀交際宏禴疏發之詔褫問孟職調化民於外河東有秦
漢二壩宏禴請以石爲之濬渠北達鴛鴦諸湖大興水利
還朝以將材薦呼承恩土文秀呼雲明年承恩等反坐謫
澄海典史投劾歸卒於家天啟初以嘗請建儲贈太僕少
卿明史列傳

附舊志宏禴字二魯宏祖之弟熟讀綱目下筆千言鄉
場五策雙行密書王世貞賞之其文詩著作甚多有周

麻城縣志

卷之十八

耆舊
名賢

二十九

問卿詩
集刊行

梅之煥字彬父侍郎國楨從子也年十四爲諸生御史行
部閱武之煥騎馬突教場御史怒命與材官角射九發九
中長揖上馬而去萬曆三十二年舉進士改庶吉士居七
年授吏科給事中東廠太監李浚誣拷商人之煥劾其罪
尋上言今天下民窮餉匱寇橫兵疲言官舍國事爭時局
部曹舍職掌建空言天下盡爲虛文所束縛有意振刷者
不曰生事則曰苛求事未就而謗興法未伸而怨集豪傑
灰心庸人養拙國事將不可爲矣請陛下嚴綜覈以責實

事通言路以重紀綱別臧否以惜人才庶於國事有濟時
朝臣部黨角立之煥廉樞自勝嘗言附小人者必小人附
君子者未必君子蠅之附驥卽千里猶蠅耳時有追論故
相張居正者之煥曰使今日有綜名實振紀綱如江陵者
諭訛之徒敢若此耶其持平不欲傳會人如此出爲廣東
副使擒誅豪民沈殺烈女者民服其神海寇袁進掠湖州
之煥扼海道招散其黨卒降進改視山東學政天啟元年
以通政參議召遷太常少卿擢右僉都御史巡撫南贛丁
內外艱家居當此之時魏容亂政應山楊漣首發忠賢之
麻城縣志

卷之十八

耆舊
名賢

三

奸忠賢恚甚拷殺漣由此悍然益誅鋤善類慣悞楚人矣
謂漣被逮時過麻城漣罪人也之煥與盤桓流涕當削籍
其實漣未嘗過麻城也無何逆黨梁克順誣以賊私詔徵
賊莊烈帝卽位乃免徵起故官巡撫甘肅大破套寇斬首
七百餘級生得部長三人降六百餘人明年春寇復大入
患豌豆創環大黃山而病諸將請掩之之煥不可曰幸災
不仁乘危不武不如舍之因以爲德焉遂不戰踰月羣寇
望邊城搏顙涕泣而去冬京師戒嚴有詔入衛且行西部
乘虛犯河西之煥止留遣兵伏賀蘭山後邀其歸路大兵

出水泉峽口再戰再敗之斬首八百四十有奇引軍東俄
悍卒王進才殺參將孫懷忠等以叛走蘭州之煥遂西定
其變復整軍東明年五月抵京師已後時矣有詔之煥入
朝翌日又詔之煥落職候勘溫體仁已柄政矣初體仁訐
錢謙益之煥移書中朝右謙益至是體仁修隙之煥遂得
罪之煥雖文士負材武善射既廢無所見所居縣阻山多
盜之煥無事輒率健兒助吏捕無脫者先是甘肅兵變其
潰卒畏捕誅往往亡命山谷間爲羣盜賊勢益張至是賊
數萬來攻麻城望見之煥部署輒引去帝追叙甘肅前後
麻城縣志

卷之十八

耆舊名賢

三

功復之煥官廕子然終不召明年病卒

明史列傳

附通壅省囂疏奏爲通壅隔以慰物情省煩囂以明政
體仰干聖鑒俯賜採行事臣聞物各有情政自有體物
情不慰則有結轡之惠必激而爲煩囂政體不明則開
擾攘之端必激而爲壅隔以致君門遠於萬里戈矛起
於一堂是上下相激以成此景象也臣以今日之事上
過下亦過而其原又實在上請爲皇上陳之語曰堂有
事十日而君不聞言壅傲之誤國也故古之哲王建鼓
而求與坐而論止輦而受羣英三接簾陛一心猶懼下

情不盡上達自深宮大內之久居致煖閣平臺之絕響
率裾無路補牘何從所憑陳見悃忱惟此露章奏對數
行封事已有不得盡言盡意之虞左右臣寮豈得盡無
一德一心之助而乃下情日積天聽日高薪厝火以將
然水投石而莫受夫事有小亦有大有緩亦有急有虛
亦有實何至黑白不分薰蕕并器付眾論於自鳴自止
秘宸衷於無臭無聲天地之泰不交官府之情否隔心
膂股肱且莫測聖意之所在羣臣百姓又何由知國是
之所歸乎夫人慮之於心而宣之於口何可壅也川壅

麻城縣志

卷之十八

耆舊名賢

三

而潰傷人必多道路流言爲國生患物情何自而慰耶
語曰兆云詢多職競作羅言多言之亂聽也故古之盡
臣聞嘉謀而告后焚諫草以避人面折廷爭要皆有必
然之畫流涕痛哭豈故爲不然之憂百司庶府一心孰
爲人孰爲我五味八音共濟何必異何必同而今之曉
曉何爲者氣期於相勝不顧其心之安言期於聳人不
必其理之當吹毛洗垢何璧無瑕引繩批根道路以目
門戶角立戈戟橫生甚至前後異向且并其自言書而
矛盾之矣夫事有大亦有小有急有緩有實亦有虛

至黑白雜陳薰蕕互競以朝端爲聚訟之場以國是同
道旁之室夫一事而此是彼非則從違安決一念而甲
臧乙否則黜陟何憑謀夫孔多是用不集政體何自而
明耶蓋上見下之言人人殊初無至當不易之論則不
能無疑疑其小者緩者虛者且并其大者急者實者不
信也是煩之激而爲壅也下見上之一切不報索之茫
昧莫測之鄉則不能無憂憂其大者急者實者且并其
小者緩者虛者不置也是壅之激而爲煩也臣見上下
相激以成此景象也故曰上過下亦過雖然獻芹獻曝

麻城縣志

卷之十八

者舊名賢

三

意則無他采菲采葑物無可棄倘不通壅隔以申言者
之情而徒省煩囂以掛言者之口臣恐下情益鬱省之
適所以囂國政益弛壅者卒不可省伏乞當日照月臨
之下鼓風行雷動之權可者急賜施行則伏蒲無事於
再瀆不可者明爲剖析則濫竽無敢於混吹猜疑之根
一拔山澤之氣自通惓惓之意得申嘵嘵之口自塞矣

附楚寶大將梅長公傳畧長公諱之煥字彬父麻城人
其先宋宛陵先生後也十歲喪父從其母居東山之沈
莊日課書盈寸侖儻雄駿異於凡兒年十四爲諸生萬
曆癸卯與應山楊連同舉於鄉以功名節義相期許
衡抵掌視舉世無如也甲辰舉進士選翰林院庶吉士
高陽孫少師承宗性嚴重不可一世士獨推重公公在

館中掀髯縱談視館閣諸公低頭緩步曖昧相向恒目笑不自禁也居七載出為吏科給事中神廟靜攝日久朝政隳弛公上封事言甚激切部黨角立如敵國不相下一無所附離每有封駁恒兩非之其大指務在破私交緝黨論矯時救弊愛惜人才而已居六載出為廣東按察司副使分守惠州惠獄多冤結拷一連十累歲不得決閉門周視案牘期旦日會堂下據案呼囚明舉其刑書云何據凡決遣獄成於手中奄忽如神嶺表多盜賊勢豪家通行為之囊橐偵知根株窟穴所在分行收捕窮治所犯即時伏辜由是盜賊禁止惠州豪沈烈女於水捕得就烈女死地撲殺之瘞其女於蕭烈婦墓旁賦詩刻碑以識焉海寇袁八老掠潮殺守吏潮非公所部自請往勦嚴兵扼海道絕饋運斷樵汲散免死牌數千首服者接踵八老窘迫乘潮夜遁乞降於閩公督學山東八老率舟師援遼謁公於登公語之曰海上之役不得望見顏行今何以在此八老泥首謝曰畏公天威是以走閩今日敢不為公死乎其視學潤畧教條謝絕請託考課之暇進諸生而教誡之賢者降階執手重以

麻城縣志

卷之十八

名賢

十四

慰藉不類者嚼齒唾罵申以夏楚諸生始而駭中而服久而歌思頌慕咸以為師保父母也充富人謀并隣生園廬使二盜要諸叢薄中搏搏而殺之有司以盜抵罪公曰是所謂功意俱惡者也人止一命而盜無兩死今貫主使而論盜可乎逮至一訊而服遂以重論而二盜坐前案論死天啟元年召入為通政司參議遷太常寺少卿三年擢都察院僉都御史巡撫南贛丁母憂歸里未幾而逆奄之難作逮連杖死言官擅挾連黨以公為首指連就徵日公往送執手慟哭誣公在省中受取賕賂牽連即訊當是時鈞黨徧天下銀鑽之使四出公自分旦夕逮繫而獄久未決每呼憤頓足曰我何渠不如野貓頭致奄黨忽忘我耶野貓頭者公與連平居相爾女之辭也已而嘆曰主少國危朝家事壞於璫兒媪息之手當刺血草奏大呼二祖十宗之靈撼承天門慟哭引刀自剄北闕下男兒死耳肯低頭駢首作園扉中一片血耶短衣襍被從兩蒼頭跨馬北上親知股栗莫敢過過信陽故人王思延止之曰壯哉遂與子長別矣強為我少留痛飲信宿而去越翼日邸報至坐追贓遣戍

思延笑謂公可以歸矣跨馬復返據鞍卻望快快如有
所失也公為人忠誠樂易光明洞達遇顯貴人不握衣
奉手亦不為崖岸斬絕遇寒門單士不為翁翁熱亦無
所施易剛腸疾惡面折人過如矢激弦一往輒發憐才
好士振窮急難雖讐人怨家片言唾諉輸寫心腹未嘗
有纖毫芥蒂也家居門無重閉室無典謁殺雞飯黍賓
客雜坐笑語誼闐几案狼藉小夫孺子乞兒販婦冤憤
赴愬直入坐隅公召其所與交關者往復譬解平反曲
直務使得當而止縣中桀黠奴與奸猾吏盤互漁食間
里閭里冤結者不之有司而之公公必禽治痛折辱之
列其罪狀付守令案伏其辜不得以勢力變詐自解由
是華門圭竇倚為司命勢豪側目視公亦不能不為絀
服也縣阻山多盜皆奴吏為淵藪盜連發不得得即妄
引平人連染株送盜得不窮竟公曰除盜莫如除窩除
盜窩莫如除勢窩具得其主名區處責問游徼尉卒令
壹切受署勢家有首匿者自領尉卒搜捕又不得則發
蒼頭健兒裹與俱追逐數千里外無所遺脫驗服輒折
其兩足縛送所司俾不得受賄縱舍羣盜搖手勿復過

麻城縣志

卷之十八

名賢

三

麻城界自送死也流賊起秦隴躡豫楚蔓延光黃閒公
告戒守令勿去有我在用軍法部勒材官鄉人子弟僮
奴警巡迺遠偵探援兵登陣所蓄養健兒數百人為正
兵備出戰收無藉惡少為游兵資應援一參將領長兵
護關廂南贛大砲東粵紅衣砲架樓櫓募獵戶操藥弩
矢分伏關隘城沈莊別墅濬渠壑具蘭石渠答與縣治
犄角警急親領家丁跨馬巡徼黑夜往還數十里守者
恃以無恐乙亥二月賊乘夜遠城而南不敢逼自是賊
游兵所及不敢犯麻城者八年獻賊投牒乞撫稱西營
張獻忠每過城東指穀堆山相戒無近沈莊西陲兵所
在焚掠過沈莊必斂兵免胄稽首而去鄉人入保者益
眾名其堡曰保生蒔花之圃養魚之陂皆斥以予民誅
茅結廬雞豚成社所全活數十萬人兵後凶裁振廩貸
粟又全活數萬人公以士大夫失勢家居卒能枝拄劇
寇保全江漢以其至誠惻怛急病讓夷一腔熱血風為
鄉里士民所傾信也官兵日暮行劫東山塞礮石傷二
騎羣噪周侍郎登第其屋將藝焉公至厲聲叱曰奴輩
三百人欲反耶吾遣家丁縛汝如搏豚耳一軍皆聲喏

擁公馬抵沈莊聽處分而去邑子董環據東山巴河聚眾且數干郡邑洵懼公折簡召之曰環敢不來乎環至竿其首眾即自解散其呼吸應變不動聲氣皆此類也歿之日里人皆巷哭每歲誕日聚哭於墓者數千人向受公鑄責者無不行哭失聲與同邑陳侍郎以聞好應山初歿語陳曰昨曾見野貓頭來陳駭曰何謂也公曰日午時忽見於竹亭篁籜間狀貌如生把余臂語曰血書中未盡之語汝爲我證盟之言訖而歿所謂質諸鬼神者耶

鄧顯鶴曰昔人言語楚有兩偉人具將相才一江陵張公一江夏熊公皆蓋代才千古無對者也江陵傳原書已采入大臣余增輯大將以方行之梅長公與襄愍並列并輯其佚事附錄傳後使論世者有所考焉長公未竟其用觀其居鄉守禦措置非大將才不能也其能合高陽心折也有以夫

按梅長公爲荆楚英豪楚寶與熊襄愍同列大將傳非特邑人之賢而已乃爲權奸擻退休於家正值流寇方張倡率鄉民築堡禦賊與邑城爲犄角所保全

麻城縣志

卷之十八 名賢

美

甚多而邑人之邀福尤大及考鄉賢崇祀獨遺長公殆當鼎革之時人心未定官吏士民既未及表彰前哲抑且公嘗有言生不入闖黨死不入鄉賢蓋其時附闖以進者固所在不乏而明季鄉賢之舉更多有爲而爲之公既卓犖不羣力矯斯習而賢子孫又能慎守此意不妄求補請亦可謂善繼志者矣

李長庚字西卿萬曆二十三年進士授戶部主事歷江西

左右布政使所至勵清操入爲順天府尹改右副都御史

巡撫山東盡心荒政民賴以蘇盜蔓武定諸州縣討禽其

渠魁四十六年遼東用兵議行登萊海運長庚初言不便

後言自登州望鐵山西北口至羊頭凹歷中島抵北信口

又歷兔兒島至深井達蓋州剝運一百二十里抵娘娘宮

陸行至廣甯一百八十里至遼陽一百六十里每石費一金部議以爲便遂行之明年二月特設戶部侍郎一人兼右僉都御史出督遼餉駐天津卽以長庚爲之奏行造淮船通津路議牛車酌海道截幫運議錢法設按臣開事例嚴海防九事時議歲運米百八十萬石豆九十萬石草二千一百六十萬束銀三百二十四萬兩長庚請留金花行改折借稅課言臣考會計錄每歲本色折色通計千四百六十一萬有奇入內府者六百餘萬入太倉者自本色外折色四百餘萬內府六百萬自金花籽粒外皆絲綿布帛蠟茶顏料之類歲久皆朽敗若改折一年無損於上有益於下他若陝西羊絨江浙織造亦當稍停一年濟軍國急帝不悅言金花籽粒本祖宗舊制內供正額及軍官月俸所費不貲安得借留其以今年天津通州江西四川廣西上供稅銀盡充軍費於是戶科給事中官應震上言考會典於內庫則云金花銀國初解南京供武俸諸邊或有急亦取給其中正統元年始自南京改解內庫嗣後除武官俸外皆爲御用是金花銀國初常以濟邊而正統後方供御用也會典於太倉庫則云嘉靖二十二年題準諸處京

麻城縣志

卷之十八

耆舊名賢

三

運錢糧不拘金花籽粒應解內府者悉解貯太倉庫備各邊應用是世宗朝金花盡充兵餉不知陛下初年何故歛之於內也今不考各邊取給應用之例而反云正供書額何相左若是至武官月俸歲不過十餘萬乃云所費不貲哉且原數一百萬陛下始增二十萬年深日久巔末都忘以臣計之毋論今年當借卽嗣後年年借用可也毋論未來者當濟邊卽見在內帑者盡還太倉可也若夫物料改折隆慶元年曾行之以解部濟邊六年又行於南京監局亦以濟邊此則祖宗舊制陛下獨不聞耶帝卒不聽時諸

麻城縣志

卷之十八

者舊名賢

三十八

事朔始百務全集長庚悉辦治天啟二年遷南京刑部尙書就移戶部明年召拜戶部尙書未任以憂歸崇禎元年起工部尙書復以憂去久之代閔洪學爲吏部尙書六年正月修撰陳于泰疏陳時弊宣府監視中官王坤力詆之侵及首輔周延儒長庚率同列上言陛下博覽古今曾見有內臣參論輔臣者否自今以後廷臣拱手屏息豈盛朝所宜有臣等溺職祈立賜譴黜終不忍開內臣輕議朝政之端流禍無窮爲萬世口實帝不懌次日召對平臺時副都御史王志道劾坤語尤切帝責令回奏奏上帝益怒及

面對詰責者久之竟削其籍

明史列傳

附請賑卹畿輔疏為畿輔重災民隱日切敬循成例懇賜賑卹以安邦本事竊照今歲七月不雨亢害異常其艱苦之狀已盡寫於前後諸臣之疏皇上虔祈雨澤不啻桑林發粟賑援恩施菜色具在軫恤之中無容臣復贅矣臣以外藩蒙簡偕臣允升以差竣還京會值北場事繁趨發嚴程兩路所經情景如一前後至涿州境內饑民環繞老幼牽扶臣等細詢之俱云遭值異災賴恩以不即死惟是七月方雨秋期已近補種難施四顧田

麻城縣志

卷之十八

耆舊名賢

堯

園杳無青草窮簷圍堵不見炊烟伏地而泣訴於臣以臣等為府臣也何以為府民計乎比入都城匆遽秋闈始得竣事而連日以來風霜高隕聞菽菽之類一畝所收十不一二粒食何藉人情轉蹙先無入土之種矣安所論收既無在田之禾矣安所論食春夏之閒民情皇急者正虞其有今日也至於今日則向者驚心之慮實為剝膚之危從此自冬徂春時日尚遠當風雪嚴寒之際處青黃不接之時撤屋為薪掘草為食屈指而計度日如年京師根本之地關係至重與四方不同臣等濫

民牧之官而流離滿前呼號盈耳皆國家之赤子也心則何忍且恐搶奪竊行揭竿可慮皆國家之隱憂也心則何安饑民環集待哺之口正煩倉庫兩空手援之策安在惟此畿民十年以來屢逢旱溢扶羸起瘵骨肉煦枯幼者得壯壯者得老皆上之所活也仍有所始終之惠於上而已臣查得三十二年水災之後京師五城並宛大二縣煮粥給過米一千五百七十一石四斗俯允部覆發掃積米八千四百七十二石爲煮粥之資惟時奉揚德澤府臣許宏綱也三十九年復置災傷俯允府

麻城縣志

卷之十八

耆舊名賢

罕

臣劉學會之請以知事杜冠時所查出兩縣孤老冒濫米四千七百零五石布一千三百零七匹煮粥授衣於先次年再發米八百石以爲展期煮粥之用此前茲之成憲也今歲旱災尤倍往昔而府臣所請孤老冒濫米布連年節省現積京倉倘微垂念比照往歲事例將前項清省餘米得發五千石容臣等陸續領發兩縣照依三十九年所立粥廠城內六廠城外二廠令兩縣丞簿等官分理各廠而以府佐二員總理其事臣等時往查核務使饑民得沾實惠庶不致屢次全活之民一旦爲

溝中之轉也再照救荒之法待極貧者在煮粥待次貧者無如平糶今年現荷允發臨德二倉米十萬石平糶其宛大二縣派各該三千石盡又蒙改通倉具待京邑至爲優渥矣但以一縣而平糶三千數若爲多然都城爲五方雜居奚啻億萬其口而止糶六千則若爲少查得三十二年戶部奉平糶過米一十八萬六千八百一十七石臣彼時叨在戶曹身受其事其在今歲縱不敢如昔之多而以授食之口度之既非四五萬石不可者一更祈於兩縣原派三千石外加發二萬石俱改京倉以

麻城縣志

卷之十八

耆舊名賢

里

省腳價臣等遵照部議粳米每石六錢粟米每石五錢其所糶銀錢解爲戶部四月折色之用一轉移閒而市司不踴利賴良多臣等職任所司目擊關心攄誠上請伏乞敕下戶部查議施行臣不勝懇乞待命之至

附楚寶李長庚傳畧長庚不植黨援與溫體仁不合任吏部時推郎中王茂學爲真定知府帝不允復推爲順德府帝怒責以欺朦並追咎冠帶監生授職事責令回奏奏上斥爲民家居十年國變久之卒

謹按麻邑明代名臣國史有傳者凡十人可謂盛矣茲悉照史傳入志閒有與他人合傳及附於他人傳者則節錄本傳原文而於字句稍有更易以便觀覽

惟諸公奏議煌煌大篇國史不及備載竊擬效史漢列傳諸體各爲補錄全文或謂明史爲

欽定之書不可妄有增益因分附於本傳之後間有身列

名臣而鄉賢未祀者異日當補請入祠然鄉賢爲一

邑之宗而國史垂千秋之法衮衮諸公所重固在彼

而不在此也

劉從政字恭明洪武甲戌進士拜監察御史謇諤抗直彈

劾無所避保靖宣慰司族屢相仇殺從政齎敕撫諭之歷

河南山西參議皆清慎卓著能聲卒於官

麻城縣志

卷之十八

耆舊名賢

三

吳山字仲安洪武初舉明經仕合州學正善教化擢內江

縣以廉稱尋丁艱去起復補知青城至石首卒山博學多

聞尤精春秋鄒來學輩出其門

分省人物攷

按原志藝文目有吳山治河通考十卷而康熙乾隆兩志均無之原志殆據明史藝文志補入然明史吳

山高安人嘉靖間進士歷官尙書宮保既非麻邑之明經且明藝文列吳山所著於正嘉諸公著述之次

更可決其非洪武時之吳山矣茲詳考更正不敢妄載於本傳中

喻文偉明經爲縣訓導以身教遷懷遠縣知縣有廉介稱

按康熙屈志乾隆黃志列文偉於仕蹟中而鄉賢祠無之茲照乾隆府志增入屈志謂文偉名見人物碑

蓋古人歿而祀於其鄉者皆勒名於石也府志所載固必有所據抑亦善善從長之意云

蔣輔永樂舉於鄉爲裕州司訓秩滿轉吏科給事中

事蹟待考

鄒來學字時敏宣德癸丑進士授戶部主事督餉陝西規畫有條理陞員外郎從王驥征麓川來學督兵當前鋒出奇制勝降附甚眾功上晉郎中轉通政司參議督永平山海兵儲正統土木之變擢僉都御史提督軍務申嚴號令簡練部伍往來要害之處躬親相度因言京師四塞之地宜分遣文武大臣勇智者選在京士馬分守各關隘振揚聲威首尾相應廷議韙之景泰癸酉陞副都御史明年巡撫南畿疏言蘇松之民疲困已極請留輸京米三十萬石

麻城縣志

卷之十八

耆舊名賢

聖

備賑上從之於是發倉廩賑饑窮勸農桑修水利又謂糧莠不嫖則嘉禾不遂乃察官吏之奸貪大家之暴橫者悉繩以法又建議謂蘇松等郡之糧往年俱軍兌輸京頃因調軍往守令民自輸遂至役民十五萬盤費之資浮於正糧民所以重困也請仍復軍運軍用其力民資以財兩適其便時善其議以勞邁疾卒論祭葬孫騏成化進士刑科給事中以耿介稱其戒子書尤傳於世

省志參耆志

附戒子書字寄妻男楊氏鄒瀚餘不及言自離家之後將及二載鄉市各處親鄰朋輩人事之往來以及家務人口種作屋宇塘池樹木頭畜等項二兄家道安否澗海二子生理俱不知詳悉爾雖有家信一二次止開些

須畧節豈想父在遠方時時懷念以此一事觀之爾之
平昔爲人苟且簡慢懶惰粗糲無狀可知其待父母如
此又不知相處內外親戚鄰里何如每憂爾少讀書識
見寡操歷淺至親至眷不知尊重小男小女不知撫字
左鄰右舍不知和睦年老之人不知恭敬貧難之人不
知眷顧患難之人不知憐憫爲惡之人不知迴避爲善
之人不知倣效有恩之人不知報本有冤之人不知洗
雪與人飲酒不知與人交錢不知仗義和好之時如兄如
醒後諸事不知與人交錢不知仗義和好之時如兄如
弟如膠如漆一文相競諸情不顧鄉間往來常乘驟馬
見人不知下地大帽長衫驕傲放肆作揖不知低頭識
者莫不恥笑誰肯勸誠說爾好者欣然而喜春風滿面
說爾及者勃然作色怒氣滿懷至若起家不知要節儉
耕作不知要辛勤畜養不知要水草樹木不知要栽種
子弟要教訓屋宇要打掃內外要防閑出入要謹慎夜
晚防盜賊豐年防旱乾有日防無日用人要飽煖待下
要恩愛我憂爾之不能爲人不止此數者聊說其大畧
爾書每說牛死比之常人家一牛使數載而不傷者何

麻城縣志

卷之十八 名賢

器

也蓋因心痛此牛牧養得法水草依時爾書又說無本
錢比之別人家一般納錢糧趕人情又當相應人夫凡
事量入爲出千思萬想要知何者爲起家之計何者可
以納錢糧何者可以備荒早務要長遠莫顧眼前我每
想自己仕途數年間必有深過以致禍惡上及先母下
及溥兒自朝至夕惶懼省責又慚薄德菲材勞數次之
章奏遭幾番之薦拔誠恐有負朝廷之委托寧又肯貪
汙以辱名節貽後患於子孫乎况因守制三年爲家室
之累往往作事不守本分致人嗟怨蒙恩宥之後爾當
洗心滌慮改過遷善愈謙愈卑更讓更和平昔之仇隙
者今則待之如芝蘭昔時之構怨者今則待之如骨肉
事事守己件件安分官府一跡不至外事一毫不爲廣
結人情溥敬鄉里貧淡乃安樂之本清閒是享福之源
人家有長短不要偷寒而送煖鄉里有過惡不要面是
而背非隨步而行全憑方寸不必東思西想不論爾強
我弱看破事情富貴浮華皆爲外物有命所拘思之思
之慎之慎之盡心以守之勿以予言而輕易之二兄不
知來否早晚懇懃孝順周先生在家或一月或二月常

去拜問每事一一請正我自幼而長死生患難之交止一二而已

明楊一清跋曰觀人不於其所勉而於其所忽夫人情之最親暱者莫如妻子故嚴師之臨乎其上也大賓之接乎其前也言必以禮動循乎道猶可勉而為之惟家庭之間恩常掩義自非光明洞達之士往往牽於情愛有不勝其比昵之私此身之所以不修而家之所以不齊也聖賢有憂之既已筆於大學之書矣而世之觀人者乃不知察亦獨何哉楚之麻城都憲鄒公蓋庶幾乎修身齊家之君子矣觀其遺子瀚書一通累百言詞嚴義正修身齊家之道如指諸掌良由其心術之微不以私汨不以利動故其見於筆札者無往非正豈待安排布置而後然哉公以名進士筮屬地官陟銀臺遷栢府北彰討伐之功南建綏寧之績偉然當世名臣其剴切百餘章奏炳炳烺烺足以裨國家而福生民者人皆知之至於於家庭之內父子之間則有非人之所及知也予以鄉曲故獲交於公仲子瀚而觀公之書因表而著之而示乎後之觀人者噫都憲公不可作矣而瀚能以家

麻城縣志

卷之十八

名賢

聖

學取鄉薦拜官光祿瀚之子騏復舉進士給事殿庭顯庸大受蓋未可量也謂非能服公之遺訓而致是哉洋縣屈振奇曰觀人不於其所勉而於其所忽讀公此書皆家常瑣細之言而公存心之忠謹立身之勤儉與夫居官之靖共正直俱可知矣予童時即見有刊公此書傳世者今幸承乏公里得悉公行實又見其子孫皆科第翩翩為西陵望族不亦宜哉

按題跋尚有明何良俊及彭經胡璟劉琪藍昌陳凱張清源程鑑同里萬山李長庚國朝黎敦簡邑宰王璐孫光祖富鴻藻奚祿詒樊維域傳鶴祥諸人茲不具錄原書聞尚存蓋平實切要足以啓迪後人非徒為鄒氏之世守而已

劉訓字忠言先世有名夢者從高帝起兵官同知賜田麻

城因家焉訓成正統己未進士知金壇縣有惠政性儉素

治蔬圃以自給拜監察御史廉直有風裁冢宰王朝特疏

薦其治行爲天下第一陞山西參政子仲翰令崇德孫璫
另傳省志

董應軫字宗南宣德壬子鄉舉第一授鄭州學博擢福建
提學僉事天順七年廣西大藤峽賊亂舉朝以經濟推應
軫陞參議平蠻有功致仕歸省志

附董氏家傳畧曰公生平有四奇以一鄉村學究而見
知於郡守以一下第舉人而見服於春官以一遠州教
職而見推於名宰輔以一閒居散官而見奉於闔省之
上臺雖未竟其用不可謂不遇也

周鑑字以人號孔明正統乙丑進士授監察御史出按江
西大學士陳循子所爲不法鑑置大辟陳切齒伺無所得

麻城縣志

卷之十八

者舊名賢

四

乃諷部遷雲南副使九年不調鑑汰貪墨理誣枉開寶泉
壩漑田數萬頃後擢山東按察使乞歸省志

附周氏家傳畧曰公按察雲南聞母羅恭人訃回籍水
次遇風覆舟舟覆時風卽頓息久之其僕周濟緣木從
旁取出斧破舟公神色不變隨召驛吏謂曰余宦滇九
年餘俸僅二百金敝衣數襲共一皮匣今已失之水中
子其爲我求之驛吏遣一二漁釣於覆處尋取應手而
得如探囊中當開驗如數眾驚以爲異

李正芳字彥碩夙有隱德正統壬戌進士歷東昌南陽知
府善政著聞改保寧時趙鐸反正芳率兵討之設奇制勝
厥功甚懋累任山西布政去後民甚思之府志

附舊志公家居時與督學僉憲董公應軫觀察使周公
鑑俱以碩德重望爲時所師法邑侯朱嵩爲三公建耆

英堂於縣治之右凡有大政輒請諮議

鄧達宣德乙卯舉人授江津縣狷介不苟政暇課諸生文藝訓誨不倦一時科第甚多擢御史官貴州僉憲

趙訪正統乙丑進士官御史福建僉事見康熙志科目乾隆志

隆志鄉賢祠祀 事蹟待考

喻哲景泰庚午舉人官學正見康熙志科目乾隆志鄉賢

祠祀 事蹟待考

曾啟景泰癸酉舉人授犍為教諭誨人不倦士習為之一

變祀犍為名宦

麻城縣志

卷之十八

耆舊名賢

四

萬山成化丙戌進士官郎中見康熙志科目乾隆志鄉賢

祠祀 事蹟待考

萬祥號河東成化辛卯舉人授蘇州推官舉卓異士民保

留陞本府同知丁艱服闋門人董樸勸其出仕祥引毛義

捧檄為言授徒西塾學者稱河東先生縣址瀕河春夏患

衝激祥請於縣令捐貲疏上流為新河以殺水勢至今賴

之 舊志

邱瑩號北山成化甲午舉人知開縣持政廉平榜其門曰

愛百姓如子受一錢非官 府志

董樸字汝瀄紹之子成化甲辰進士知重慶府儉已愛人明禮義正風俗以艱去渝民銘德於石起楚雄知府課農桑立礪堡建學舍增祭器尤勤講學諸生貧不能婚葬者資助之陞江西參政所至稱廉直薄田做廬終老為詩類

陶韋時稱董五言

參省府志

劉璉字士約訓之孫宏治庚戌進士知豐城縣愷悌果斷與學育才縣好淫祀首毀之以正民俗自守狷介不私一錢徵歛有方姦猾屏迹述職為江右第一

府志

陳情成化庚子舉人見康熙志科目乾隆志鄉賢祠祀中

麻城縣志

卷之十八

耆舊名賢

哭

事蹟待考

曾大有字世亨宏治癸丑進士授定遠知縣黌舍官廨城郭坊市悉為增修撲滅妖賊孔布等一境晏然徵拜監察御史直聲震臺端以忤劉瑾除名瑾敗起擢知府累陞江西布政使

省志

周廷徵字公賢號黑沙鑑之孫宏治己酉舉人正德中除臨淮教諭擢御史按陝西時安化王寘鐸反廷徵調榆林副總參游時源等分布要害令楊英為書密達仇鉞擒寘首惡何錦等械送京師朝廷遣都御史楊一清太監

張永總兵始至永以功不由己乃追還寘鑄別自報捷又盡奪寘夏將士功與諸貴倖紀功給事中郟夔懼而自盡寘夏幾變賴廷徵威望素孚又爲撫定而白其功於朝尋陞九江兵備副使流賊劉六等南窺廷徵晝夜籌畫賊不敢逼

省志

按廷徵平寘鑄事明史無考屈志謂出高京山鴻猷錄茲仍其舊

梅吉號西野宏治進士歷官廣東惠州知府以白士子冤忤直指掛冠歸囊止俸金八兩清節冠時惠州祀名宦李文欽字天存文祥弟宏治戊午舉人仕南陽通判以母老乞養不許遷陝州知州未幾棄官歸養母卒哀毀骨立

麻城縣志

卷之十八

耆舊名賢

吳

居鄉質直見人言不順正色責之其風概不愧父兄云

舊志

劉漢字天章號坦菴宏治舉於鄉知商水縣以流賊劉六等人縣謫崇德丞遷建德愛民好士有古大臣風初賊至掘窟以藏家口妻女薰灼死惟一子七歲以鼻置土罅得免卽端簡公采也

舊志

曾大顯字世榮宏治壬戌進士累官禮科給事中忤劉瑾謫江西布政使司照磨晉參議所至有風裁以疾乞歸

府志

詹瑩字廷玉正德甲戌進士南戶部主事歷官福建參議耿恭簡先進遺風載詹瑩居官淡薄用鹽點粥云

舊志

董士毅字惟遠樸之子正德庚午舉人授四川南充縣一介不取有青菜布衣破織羸馬之謠陞知蓬州歸時囊無長物歲饑倡率捐賑活人無算座餓殍數千

省志

曾燧字日宣號筆山嘉靖癸未進士知獻縣擢給事中世宗南狩抗疏止輦廷杖下獄謫靈州州判直聲動一時累陞福建參議拜命未就而歸

通志

毛鳳韶字瑞成正德辛未進士知浦江縣有善政擢監察御史上弭災八事如復舊制以革鎮守尤關天下利害巡按陝西雲南貪墨吏皆望風引退終雲南僉事著有聚峰

麻城縣志

卷之十八

耆舊名賢

辛

文集

府志

劉澐嘉靖壬辰進士官郎中以不附權貴改汝寧通判爲政嚴明人不敢欺後復爲南京刑部郎中

劉采字汝質漢之子嘉靖己丑進士時張璁當國采爲會試所拔高等特嚮意采不肯往謁補宿州約已裕民發姦摘伏屬歲饑上吏督課急采請移帑羨代輸至秋民爭償無逋者歷官副都御史巡撫山東時苦採礦命下嚴急采疏請緩辭極婉剴獲允御史某請開膠萊河通海運采條其不便者五事遂寢先是詔近畿撫臣屯兵臨清備入衛

後歲以爲常士卒疲苦采疏請罷之累遷南戶部侍郎疏請裁諸費不經者鎮武營卒以乏糧殺侍郎廷議以采代采至處以鎮靜條畫悉當機宜凡運艦至戒主計者剔除一切收支積弊轉輸稱便反側乃安災異自劾免穆宗立起南京工部尙書改兵部尙書凡四載乞休歸采歷官四十餘年清介如一日卒年七十四諭祭葬贈太子少保諡端簡

分省人物攷

周庠貢生正統中知陳州緩刑罰興學校其復業之民計口授田教以種植居數年州漸富庶百姓戴之如父母

府志

麻城縣志

卷之十八

耆舊名賢

五

周霑崇惠之父誥贈貴州副使見乾隆志鄉賢祠祀中

事蹟

待考

黃卷字景文號萬巖嘉靖己丑進士累官副使年四十餘致仕躬耕經歲不入城市同郡耿定向周宏禴往訪竊窺其室一敗榻而已嗟嘆久之嘗從鄰舍借耒耜鄰人負送卷曰但借足矣豈可復荒汝工因自肩還又嘗以隻雞斗酒候縣令且曰瓦尊可見還也知縣笑與之其清樸類如此居官聲績卓著詳王世貞所爲傳中

省志參府志

康熙舊志本傳云公清操自勵將以型俗而逸興軒舉寄情曠達衆闕其室蕭然一榻咸曰今日游羲皇矣

劉廷舉字巨塘嘉靖庚戌進士授分宜縣以不附權要調上蔡尋爲袁州知府廉平仁恕威惠並著時大饑廷舉發廩損俸施粥民賴以活申明聖諭頒刻小學士風丕變去之日有徹底澄清一巨塘之謠

府志

周思久號柳塘嘉靖癸丑進士以瓊州知府致仕抗志希古品詣卓犖與耿定向相友善嘗謂門人歸善楊起元曰學必求至聖人非但欲爲好人也飲之酒酒酸又謂之曰世人云酸秀才願子他日無忘此味也及起元館選引山雞自矜其羽爲喻建輔仁書院工詩律書法著有石潭集麻城縣志

卷之十八

耆舊名賢

五

學者稱石潭先生

梅汝觀國楨之父有隱德生平不談人過待同宗以及親戚無不加厚教子孫均爲名人

蔡應陽嘉靖戊午舉人官山西布政使見康熙志科目乾隆志鄉賢祠祀名目

事蹟待攷

周思稷字養初思敬之族弟隆慶戊辰進士臨海知縣慈祥廉靜有古循吏風在縣五年嘗清丈田畝稽核戶口不事察察而人不敢欺又酌定鹽課上下利之陞戶部主事

府志

劉守泰隆慶辛未進士歷吏部主事父與張江陵同年或謂可援以入中祕不從轉考功值計典莫敢以私干者

劉守有號思雲萬曆間武進士出身襲祖莊襄公廕官錦衣衛加太傅神宗寵眷殊渥子承禧號延伯亦武進士襲職好古玩書畫奕葉豐華人以為邑之王謝也

舊志

李承祚字世延長庚之父以和厚著稱教子尤有法度贈刑部尙書

梅國樓字公岑號瓊宇萬曆癸未進士入詞垣官行人典試浙江遷工科給事中時河決議復故道請專設總理國

麻城縣志

卷之十八

耆舊名賢

五

樓力保潘季馴上遂命潘為都御史總理河道有功萬曆十四年征永甯蠻時安堯臣外恃平播功內仗水西有撫鎮雄制永甯之心國樓為川南道督兵協討俘獲蠻丑者詢知鎮雄將魯大功兵五營屯大壩水西兵已渡馬鈴堡約攻永甯堯臣所遣彭月政等助逆不退於是遣咨總兵侯國弼等始知歸惡堯臣而川貴兩撫馳奏堯臣稔惡急移師擊之毋使虺復為蛇罅復為河也疏上廷議無敢決用師者國樓遂亦不能竟其志後遷廣東貴筑道江西南贛兵備道布政使司參議年七十餘告休歸里

舊志

劉奕萬歷癸未進士官杭州知府見康熙志科目乾隆志

鄉賢祠祀

事蹟待考

楊王庭字自邑號中愚生世族幼而岐嶷萬歷乙酉舉於鄉初任潯陽令江之岸北地形窪下民聚廬於此庭下車夏流汎溢民惟待斃庭曰吾為民父母視數萬民就死不救縱獨生有愧願渡江與之俱死乃破浪親往捍築垂潰之堤立就潯人感之名楊公堤爭建祠以祀時萬歷中礦使四出庭持正忤璫坐是不得內召卒調桃源令尋進廣信府丞署篆饒守已倦遊歸里教子孫俱能文章夫人朱麻城縣志

卷之十八

耆舊名賢

五

受宜人封手不釋紆紡戚族之貧者咸仰給焉事詳列女志江右艾南英過麻慕之為傳通志

周業邦璟之父誥贈太常寺正卿見乾隆志鄉賢祠祀中

事蹟待考

陳以聞字寄生號石泓萬歷丁未進士授吳縣不畏強禦調無錫行均田均役法發運弁勒兌狀數決大獄甚有風力遷禮曹晉尙寶寺丞以與楊漣高攀龍善忤魏璫削籍

崇禎初起官累少司寇被論歸生平出處具詳自序中

舊志

附自序下未秋筮仕吳縣次年二月履任書生一往之氣何知盤錯下車見有衛弁橫侮青衿者據理少挫其

鋒有富豪滅倫吞併者平心少為哀益兩造割然自足不暇顧也南中言路旋有風力之譽正愧不虞隨有匿揭乘江院汪若谷先生新代借南潯朱宦名函投之汪心疑竟發其奸詳具匿揭招繇中縣申引咎出於至誠可覆試也然以吳調錫實本於此庚戌三月覲還渡江見錫山之報仍寓邗閭以待憑至先是吳有逆子張承元嗔其父減價多與人瓜刃之立斃獄已具矣府道難以上聞仍繫之乘舊令調錫妄意賄結出獄揭其兇逆狀與眾共棄之或謂既離任即屬侵越此何事也汚瀆無赦尙冀其悔贖乎初至錫文案填委訟牒蝟雜盡謝酬酢畢意竭慮以清塵牘訟者一一詰之稍判虛實令其親鄰解釋即已催科實覈完欠比不煩刑終日晏坐堂上與諸友講義進小民詢疾苦多暇晷人謂此地難治亦未然也壬子季春錫邑兌糧已出境一弁橫索糧食不遂駕言米惡且虧減正耗又駭毆運官漕院孫公震怒檄下有司窮治縣審得情具實詳覆羣弁大譟語侵令且撓漕政再奉嚴檄具詳如前一時府道及同官俱為令虞不測蓋孫故強毅不回人也然竟如所申不

麻城縣志

卷之十八

名賢

畫

復督過報命薦剡且首列矣錫山孤行一意尋省多歉要於事理必然道義骨肉以違拂相戒蓋不但高先生一人投分有素而已辛亥給繇癸丑計後見同輩投契要人各以金蘭為羔雉時各藉甚而予之硜硜如故其以強項量移蘭署亦殊擢也五月主客司實授隨班三月具呈引疾杜門三月方代題例也回籍僦居舊廬課子講業其中里俗囂後未嘗過而問焉丙辰春奉先慈入京冀少沾升斗值添註初格補祠司催請凡十餘次未奉旨蓋時人合算留待察處久矣丁巳三月拾遺買舟即南矣舟中所歷皆數年前夢中光景祠司初題夢與王心一數人同列亦隔歲事也羣謀攢簇適符定數豈為世外棄物矣辛酉夏梅長公云繆太史楚差貪與益為一會九月至省城與西谿暢談數日方知錮籍已稍牽復也旋聞降補離判癸亥四月初調儀司隨例政府一投帖福清屬門者達之懇懇款接備道錫令治狀知交汲引皆十年前事且云同輩受累者各論定已膺膺任何陋晦至今方復故物竊謂利鈍數定豈宜自理

靜聽久之七月內遷璽丞太宰張誠宇選郎李耒吾亦
何有於寄生哉甲子五月二十九楊大洪論劾魏璫二
十四款邪正之關羣情觀望及矯殺橫行威挾箝口朝
士風靡爭相密結十月以後奉南樂為主盟益顧無忌
兒孫滿朝網羅匝地遁尾之厲過涉之凶易訓已先之
矣時余業乞差長往徼天之倖追賊削奪蓋丙子兩歲
一線餘生無刻不凜凜在刀俎閒也天祚聖明乾綱獨
運逆氛漸掃戊辰春三月奉旨復官己巳四月陪推僕
少庚午六月起陞光祿少卿八月出山九月到任十月
初一供事太廟咫尺天顏親捧福爵竊仰龍文光被為
太平有道稱慶嗣是廟社趨踰捧爵五次亦小臣盛事
也十月十九有南岡之推雖幸蹇涖稍通而心疑其驟
二十一日奉旨詰責王太宰回奏亦云八年璽資六年
淹抑與尋常序轉者不同復奉旨論人只論才品何得
以摧折久淹通融凌獵有無求托仍着奏明操柄者果
衡鑑不爽何難始終直陳乃旬日再疏自相矛盾先則
曰南北一體而後則南岡號為冷局先云與尋常叙轉
不同而後曰姑以問政試之雖虛圓無著亦大臣盛德

麻城縣志

卷之十八

名賢

奏

事而遊移支遁豈入告之體熟籌進退殊難隱忍具疏
乞休未蒙允放輪直東門分取白糧按故事隨同官之
後如此者兩年壬申元旦皇上四鼓升殿百官趨入參
差上御中極殿久之還宮朝臣候至午後各衙門具本
待罪方轉散候旨是年四月麥餅宴九月花糕宴俱曠
典特舉每宴約費五百餘金云閱太宰行後署篆者稍
採輿論衡量位置壬申十月以右通政啟事同邑李太
宰以特簡臘月入京癸酉二月副院王東里疏糾王坤
指斥諸璫上御文華召對余以九卿衙門備員躬逢盛
典龍顏粹穆玉音清亮諭辭警嚴極臣下宿構湊泊不
能曲折條達東里侃侃不回有名臣風概記註已詳之
矣三月承乏轉左衙門封駁俱印君裁定同官分批通
狀數紙而已八月衙門掌印缺出太宰欲另有通融私
請於柄國者本衙門之議始決八月以後以正使辦事
看詳章奏審察姦欺每有批駁俱登簿存案即通狀送
各部者內外無輕狗也兩年內競競恪共音如此亦不
知何本何領也甲戌二月十二恭遇皇上文華殿經筵
得以印官在侍班之列本月念七行藉田禮五品以上

陪祀各官先期恭迎聖駕於壇內辰刻祭先農畢皇上
扶犁播藝田家歌鼓前導如禮既升御幄觀公卿五推
九推焉禮畢大饗於齋宮百官序坐於臺墀之間觴行
樂作衍雜劇數曲樂民之樂宛然太平光景也及少司
寇缺出十四日會推謬及何處更容人推遜乎十五日
廷試讀卷供事是日辰刻入朝與詹翰部院諸老共坐
一處俟收卷畢候內閣五位老先生出生出至東閣門公揖
序入中堂東向餘分左右坐下首揆分散試卷各二十
餘卷擇其字畫合式文義通達者拔一二卷為上卷各
送中堂類選正卷十二卷殊圈節句以備捧讀餘即存
作副卷其未送中堂者仍依各人裁定次序各為一束
於十七日讀卷後序填以官為次人各一卷例也十七
日已刻上御文華殿宣各官入讀卷讀至第七卷命其
餘免讀恭進御覽各官出候至午未皇上細閱十二卷
畢中官復傳上諭內閣再呈十二卷進覽拔劉卷為第
一原擬一卷御筆親定二甲第一名拔楊卷為一甲第
三吳卷照原擬一甲置第二云君相造命未可意擬即
二三知交亦無從物色所云假手上下皆妄談耳八月

麻城縣志

卷之十八

名賢

垂

十一李太宰奉旨詰責回話是日署選程雪窻下獄以
郡守題陞中翰覆授迕上意及李公回奏待罪奉旨禡
革致罪之由或不在也十月朱廣原以大理陞少司
寇余因轉左例也秋冬閒同官屬以詳覆恤稿覈駁四
十餘疏奉旨允行本科有案可考浮沈班行數年自職
業外未敢出位一事歲內微聞有指及者殊無意自明
得謂藉此謝竊位素餐之譏不謂戚里所構奇險毒噬
又在本罪之外今據言者單中所採俱可勘覈有一於
是乎區區行能無所表見兩邑之後三任三黜其時可
考乃飛語或售或不售此又氣運關係不特一人進退
已也

國朝

梅之煥字惠連國楨之子持身方正勵學湛深博極羣書
工制舉藝常與三吳復社諸子頡頏主盟馳聲海內有年
初棄文武蔭襲不就繼以武蔭久曠例應降奪俯就襲職
值國變因北行疏請葬思宗不允遂解組歸隱於龜峰之
東曰囊山地極幽僻人跡罕至自號槁木晚且祝髮披緇
麤衣糲食以終其身所著有春秋因是萍廬史論偶集寄
言傳於世子垌克承先志 舊志隱逸傳

附攷明信州鄭仲夔冷賞云惠連沈毅韜穎言若不出
口及其決大疑任大事則如萬夫之勇疎財樂施救災

麻城縣志

卷之十八

名賢

五

恤患如恐不及嘗曰赤貧之人當議生財千金之家止
當議消萬金之家其財則當議散已巳歲饑捐金二千
以賑貧乏躬行布散無或冒濫

曾鎮號石洞道人於柏子塔石洞幽栖畫山水筆墨蒼老

鶴髮藜杖籜冠羽服望之若仙劉子侗為之序 舊志隱逸傳

王路闢誥封奉政大夫見乾隆志鄉賢祠祀名目家世無

攷

董璋字公朗厚重有容崇禎壬午舉人後官長垣縣興利
除害政尚寬大子時升順治己亥進士任山東夏津縣亦

有政聲 舊志

謹據董氏家乘董璋於順治十六年除授長垣縣知縣康熙間請祀鄉賢足證乾隆乙卯志傳列明代之誤

鄒惺字克忠幼穎異六歲失恃時外父趙之英居史館遂從遊京師同館如吳偉業張溥諸名輩嘗極稱之之英改御史奏疏多出其手後之英巡視遼東卒於軍無嗣惺聞訃閒關千里扶櫬南旋值流氛肆虐奔走四方至國朝定鼎黃屬土寇竊發其父避居縣北鄙命惺留城與當事多方守禦幸獲保全辛卯夏叛僕作亂惺偕同縣上告變時督部羅巡按亟命分巡使者率兵赴縣殲其渠魁亂乃息縣胥吏叢奸額外賦常十倍正賦惺數白諸上司剔弊

麻城縣志

卷之十八

耆舊名賢

五

竇如地丁徵解悉出縣官驛遞夫馬不重派里甲至今賴之甲寅滇黔變起縣中蠢動惺陰破其謀且曰此輩叛服靡常宜爲善後計時徐守道于郡守撫勦並用悉如所言其濟變之畧屢定大亂後子孫科第聯翩相繼任卿尹皆其教督力也

曾湄謹之父誥贈文林郎翰林院檢討見乾隆志卿賢祠祀名目餘無攷

鄒士璵字石瞻康熙甲子舉人由戊辰庶吉士授檢討典試山東隨督學山西約條悉關大體逮辛卯擢內閣學士

兼禮部侍郎蔭一子明年春充廷試讀卷官癸巳 命山
東祭告監賞綠旗兵丁越三年乞休出入禁闥三十餘年
恩寵稠疊及解組車騎祖餞名公卿贈以詩歌宦成之美
擬二疏焉致仕歸以餘貲建祖祠置田以供族眾祀事清
閒淡泊足跡不出戶庭其長子汝模入祠垣人以爲青瑣
世業

袁銑字金溪嘉慶辛未進士改庶吉士甲戌授編修歷官
江南雲南道監察御史禮科掌印給事中侃直端重風骨
峻整爲文必根柢經術少受業於同里名宿鮑南溟先生

麻城縣志

卷之十八

者舊名賢

李

學以宋儒爲歸宿通籍後屢充順天鄉試會試分校內監
試所薦得人嘗巡視通州漕務稽查裕豐倉務謝絕饋遺
任御史巡南城都下咸爲驄馬之避旋晉禮科遇事敢言
尤以天下大計爲己任道光初元首上請停捐例一疏及
論科場積弊均蒙容納與初彭齡辛從益等齊名成廟有
尹壯圖洪亮吉而僅見此人之論然卒以言事去官置吏
雅重之延主江漢書院講學以義理爲宗譚藝以先正爲
的士風翕然一變宏材碩彥多出其門若喻懋泰王家璧
久餘之屬皆有名於時而陳堯松梅見田古韻等皆推

楚中樸學其他成名以去者尤眾嘗撰聯云不勘破義利
關何須講學要識得忠孝字纔是讀書時人傳爲名語至
今猶懸江漢書院講堂中生平喜爲書端勁秀挺出入於
率更永興間諫草每自焚棄著作亦多散佚惟四書義蘊
尙行世林文忠爲之序謂其足以闡發聖言其行誼尤詳
王公贈芳所爲傳

附請停捐例疏臣聞我朝自天命十年開捐以爲裕
國用卽以儲人才古昔聖賢多有起於魚鹽市井中此
捐班開正以補科甲之遺才此其意非不善法非不良

麻城縣志

卷之十八

名賢

全

也於是定其制詔每年正印中科甲用十一人捐班中
用八人外京官雜職以及各州縣訓導其用爲差似乎
捐班少而科甲多然臣按進士科尙存五千餘人舉人
尙存二萬七千餘人今所隨班候選者尙屬十八科以
前之人在

皇上之心以爲老其才以待用殊不知候十九科人用足
必待三十餘年矣縱其人三十歲或中與會再候三十
年則其人年已七十餘矣卽遷部限分發將抵任未一
年而逢大計不斥爲老憊必指爲疲癯凡屬科甲半免

寇而去矣彼捐班中財多年少於是陞之卓異指爲廉能我

先皇所設法良而意美者安在乎况今鄉會場之法令甚嚴卽一縣與府試必載三代之履歷考童之互結廩保之花押種種詳明以辨冒頂倩鎗之弊娼優隸卒之流者不已甚哉若捐班則不然不問其人之根本爲何如正項銀兩一到州縣爲之出印結督撫爲之具保狀一年而實授矣所以襄陽知府實少林寺僧人出捐甯波府道實邯鄲響馬出捐以及保定知縣鐵嶺縣丞等員

麻城縣志

卷之十八

者舊名賢

奎

出身之不正者其被告出拏問者數年來已有八人臣不知未被告發者其人又不識幾許矣且此輩以貪酷爲精明貪則多財財多則獲上而上司指爲有禮酷則重刑刑重則民懼而上司指爲能斷將見稱能員者又此輩矣此臣所以讀陽城之傳不禁往復於撫字心勞催科政拙之數言知其自出考下下者有由矣且臣此本一發軍機房而朝臣必有借國用不足以暗進其讒者臣又計之詳矣乾隆以前無論矣自嘉慶三年因川陝楚三省教匪之擾開捐僅得銀七萬餘兩十二年黔

楚苗洞反開捐僅得銀十一萬餘兩十九年黃河缺開捐僅得銀六萬餘兩其間或二萬或三萬不等總共二十年得銀三十餘萬若後宮冗費一去可免開十年之捐蓋鳳藻宮花粉銀十萬寺子宮供俸銀十二萬熱河例銀四十八萬圓明圓春秋季修整銀二十餘萬內大臣管理圓明園俸銀十六萬賞賜圓明園宮女銀二十五萬若去此數項則一年可節濫用百萬有奇庶可拔真才收實效國計民生兩賴矣臣再查外省官員自督撫至州縣皆以互相蒙蔽爲得計因兩淮兩廣之鹽政而

麻城縣志

卷之十八

者舊名賢

奎

去大員六人則鹽商之弊多蓋鹽商所進呈御前之鹽包重六十斤價五百餘文小民所買之鹽其包只重八斤亦是五百餘文卽此一弊所以降湖廣總督百齡三江總督汪志伊而託津遂津津得志矣夫託津由大學士總理滿漢政治其遇隆其秩重其感恩宜何如矣其舞弊如此無論其他卽於本年七月

大行皇帝賓天伊謂

先皇生於灤陽崩於灤陽妄自附會考本朝歷代龍降之所載在金滕彰彰也

先皇降於藩遼卽此一事託津之妄奏斯君已甚其讒松筠疾董誥等事又何可屈指計哉

皇上如以臣言爲是則將此數條施諸政府實

聖祖列宗之靈軍國人民之所快心者臣雖加以斧鉞受其鼎鑊非敢計矣

又科場積弊疏竊思鄉場拔取真士以仰副聖主作人
之意乃日久生玩外省大小考試情弊多端臣謹就所
聞臚列數條爲我

皇上陳之一州縣入簾關防宜密也臣維試卷去取關係

麻城縣志

卷之十八

耆舊名賢

畝

簾官如大省萬有餘卷呈薦不過數百若有心欺弊負
屈必多主司以旣竭之日力遍搜落卷更覺茫然遺珠
其能免乎此簾官責任之重也臣聞近日各省風氣應
試士子有探聽調簾官員迎於中途而拜爲師者有交
通官親謁於省寓而拜爲師者其贄儀或數十金百金
不等以求薦也議定中後謝貲千金不等在外招搖如
此人闈後彼此關通甚至隱匿佳卷轉取平常之卷與
有關節者並呈謂之襯薦營私一念何所不爲官場以
廉恥爲迂濶官倡之士效之人心之害莫此爲甚理應

請旨飭下各省監臨於鄉試屆期將調簾之員嚴加防範如有招搖形迹一經查出立即參處就中擇其老實可靠者派入內簾庶科場肅靖而賢書無或濫矣一府縣案首賄求宜禁也臣查府縣考試文童其覆試多至五六場原以名次先後定其優劣不容混淆乃因歷來考列案首之人學政每循情面無論文理通順與否均予取進是以不肖府縣藉此居奇案首行賄自數百金以至一二千金不等以試場爲利藪成何事體設使府縣案首俱非真才如學額三名之小縣案首旣去其二

麻城縣志

卷之十八

耆舊名賢

五

寒酸不亦難哉至武童弓馬刀石工夫雖眾目共睹亦或濫分甲乙殊爲無所忌憚理應請旨飭下各省學政嗣後於府縣文武案首必其文理通順材藝勝人方准取進其如文理悖謬材藝薄劣者概從黜落庶學政去取之權府縣莫得而操之士子明知無益亦不至妄生行險徼倖之思矣一因工捐輸貢緣宜戒也竊照直省閒有煮賑急務及修築要工士民踴躍捐貲原屬義舉經封疆大臣奏請或賞以職銜或准以議叙要皆出自聖恩加之獎勵至有司秉公衡文不在酬勞之列臣聞

湖北近來各省遇有修葺儒學等工程官爲議定每人捐銀若干有照數捐去者學政臨時均予進取卽以府學爲通融如一縣有捐銀幾人則添撥府學幾名或一縣捐銀無人竟至府學額缺雖捐輸中不乏能文之士然操其必勝難免官吏分肥假公濟私之弊理應請旨飭下各省學政嗣後有以捐輸爲夤緣者概無擅循庶官豪無所倖矣以上三條是否有當伏祈

皇上睿鑒謹奏 旋奉

上諭御史袁銑奏請禁考試積弊一摺直省大小考試俱

麻城縣志

卷之十八

耆舊名賢

奏

應杜絕弊端用副掄才大典如該御史所奏外省州縣奉調入簾士子竟有於中途迎謁結拜師生夤緣納賄者實屬大干法紀著通諭各省督撫嚴行查察如有州縣調簾不知防檢及士子巧於鑽營交通舞弊者一經查出卽嚴參重懲以肅功令至府縣考取案首原不應一概取進其捐貲辦公之士子尤不應以考試爲獎勵之途著通諭各省學政考試文武童生惟當憑文藝之優劣以定去取其府州縣所錄案首一律公平校閱不得擅循情面濫行拔取至士子捐貲修葺儒學書院其姓名概不准報知學政

如有府縣官違例干求者該學政卽指名參奏以杜倖進而勵士風欽此欽遵抄出到部理應抄錄原奏通行直省各督撫學政順天府尹奉天府丞臺灣道一體遵照可也欽此

麻城縣志

卷之六

耆舊名賢

七

